#### DISCOURS

# POLITIQUES

DV

# DUC DE ROHAN,

Faits en divers temps sur les affaires qui se passoient.

Cy-devant non imprimez,





## POLITIQUES

DU

## DUC DE ROHAN,

FAITS

En divers temps sur les affaires qui se passoient.

Cy-devant non imprimez.

#### DISCOURS I.

Sur la mort de Henry le Grand.

I jamais j'ay eu suject de joindre mes regrets avec ceux de la France; c'est à la mort malheureuse de Henry le Grand, pleine de

tristesse, & d'accidens funestes pour nous; & cependant qui peut estre estimée, pour son regard, & selon le monde, heureuse. Car quoy qu'il aye vescu parmi les dissiciles traverses de son temps; Il les a neantmoins tellement surmontées, qu'au milieu d'icelles il a tousjours vaincu, tousjours a 2 passé

passé son temps; & à la fin a veu ses ennemis, les uns ruinés par ses mains, les autres par eux-mesmes, & le reste crier à l'aide: afin que par leur derniere destruction, il eust moyen de recueillir les pieces de cét Estat deschiré; le remettre par sa vertu, plus puissant & redoutable qu'il ne fut jamais. Depuis son advenement au Royaume, il a employé huict années à le remettre à son obeissance; Lesquelles, quoy que penibles, ont esté les plus heureuses de sa vie: Car augmentant sa reputation, il augmentoit son Estat. Le vray heur d'un Prince magnanime ne consiste pas à posseder longuement un grand Empire, qui ne luy serve qu'à se, plonger dans les vo-Suptés: mais bien à d'un petit en faire un grand, & à contenter non son corps, mais son courage. L'on dort souvent plus mal parmi les delices sur de bons matelats, que sur des gabions: & n'y a de pareil repos que celuy qui s'acquiert avec beaucoup de peine. C'est dequoy, le feu Roy, d'immortelle memoire, estoit heureux, d'avoir requis la paix au milieu du peril, par son travail, par son soin, par ses veilles: & pour

pour comble de felicité il en a jouy douze ans : tousjours fortifiant son Estat, l'augmentant, l'embellissant & decorant de telle façon, qu'il se rendit l'Arbitre de la Chrestienté, la terreur de ses voisins. Et au plus haut degré de sa grandeur, il est mort sans apprehension, sans douleur, d'une mort commune à plusieurs grands personnages. Mais, o mort plus digne d'un tyran, que d'un juste Roy, comme il estoit, mort malheureuse; si ce n'estoit pour luy, au moins pour son Estat: qu'il laisse à un enfant de neuf ans, environné de puissants ennemis; plein de beaucoup de brouillons; divisé par les Princes, par la Religion. Pleurons donc, avec raison, le plus grand Roy qui fust sur la terre; qui faisoit du bien à plusieurs, & mal à personne. Par sa mort, la France perd ce qui la faisoit redouter de ses voisins, & qui la maintenoit en paix & union; ce qui l'augmentoit en toutes sortes de biens. Et au lieu de cette condition heureuse, nous tombons sous le regne d'un enfant, & sous la conduicte d'une Princesse peu instruite aux affaires, traversée par les Grands

du

du Royaume, qui se veulent essever durant la foiblesse de son Gouvernement: où les desseins particuliers empeschent les bonnes & publiques instructions; où les Finances sont prodiguées; les Arsenaux dissipés, & les Favoris en vogue. Que l'on compare maintenant nostre condition presente à la passée, & l'onjugera le juste suject que nous avons de plaindre nostre Roy. Nous sommes si insensibles à nostre felicité, que nous ne la cognoissons que quand elle est passée. La France estoit si heureuse durant sa vie, que depuis 1200 ans elle n'avoit jouy d'une pareille felicité. Sa mort nous fait acheter bien cher le repos. En sa vie, il contenoit, par son authorité, les meschans: en sa mort, toute crainte de mal faire est oftee : & semble que toute liberté soit permise aux meschans. La memoire si recente de son nom, fait qu'on y apporte encore quelque respect; mais autant de jours que nous nous en esloignons, sont autant de pas que nous faisons au chemin de la desobeissance: Ceux qui ont veu le regne de Charles neufvieme, avec la suite des maux que la France a Soufferte.

soufferte depuis; jugeront facilement le danger où elle est. Charles neufvieme vint à la Couronne deux ans plus aagé que noste Roy, gouverné en son Estat par la Reyne sa Mere, tres-habile Princesse: & cependant on a veu ce qui s'en est ensuivy. Les mesmes partis, les mesmes interests, les mesmes pretextes subsistent encore: mais non si fort. Car nostre Roy Henry les avoit affoiblis: & on a plus de temps aussi à les faire fortifier. Nos ennemis de dehors ne sont amoindris en pouvoir, ny en volonté de nous nuire: puis le temps passé a fait cognoistre beaucoup de defauts, dont ceux de ce siecle feront leur profit. En ce temps-là on estoit apprentif aux divisions, en cefluy-cy tout le monde y est Maistre. L'ambition n'est diminuée, elle augmente plussoft : toutes ces considerations nous doivent faire croire que l'Estat est en danger, & regretter nostre Roy. Ce ne sont point les esperances de mon advancement, ny la crainte de la ruine du parti de ceux de la Religion, qui me le font plaindre: J'avois assez, & trop de cognoissance de la jalousie qu'il portoit à ceux de ma condi2

condition, & religion: & cognois bien que nous ne fusmes jamais plus considerables qu'à present. Car pour n'avoir plus de Princes du Sang de nostre costé, nous n'en sommes que plus forts: Alors nous n'estions maintenus d'eux, mais nous les maintenions, & faisions leurs affaires à nos despens. La France estoit divisée par la Maison de Bourbon & de Lorraine: mais le pretexte se prenoit de la division des Religions. Maintenant qu'ils sont Catholiques Romains, & les uns & les autres; ils perdent l'ancien pretexte, & separans en deux la partie Papiste, nous laissent le choix de l'un des deux pour nous y joindre. Je regrette en la perte de nostre invincible Roy, celle de la France. Je pleure sa personne, je regrette l'occasion perduë, & souspire du profond de mon cœur, la facon de sa mort. L'experience nous sera cognoistre en peu de temps, le suject legitime que nous avons, de le pleurer & regretter. Le peuple fremit desja, & semble prevoir son malheur. Les Villes font garde comme si elles attendoient le siege. La Noblesse cherche sa seureté parmi les plus rele-

vés de son corps: mais elle les trouve tous desunis, & y a toute occasion de crainte, & nulle apparence de seureté. Bref, il ne faut pas estre François, ou regretter la perte que la France a faire de son bon heur Je pleure en sa personne sa courtoisie, sa familiarité, sa bonne humeur, sa douce conversation. L'honneur qu'il me faisoit, la bonne chere dont il me favorisoit, l'entrée qu'il me donnoit en ses lieux plus privés, m'obligent, non seulement à le pleurer; mais aussi à ne me plus aimer où j'avois accoustumé de le voir. Je plain la plus belle & glorieuse entreprise, dont on ait jamais ouy parler: n'estant pas à croire que l'equippage de 30000 homme de pied, 6000 chevaux, une bande d'aftillerie de 60 pieces, & munitions pour tirer 60000 coups, avec le reste de l'attirail complet, sans comprendre l'armée du Daulphiné, & le renforcement des garnisons des Villes frontieres, ne fust destiné que pour le siege de Julliers; puis que nous l'enrreprenons apres sa mort avec 8000 hommes de pied, & 1000 chevaux. Occasion que je ne verray jamais, pour le moins sous un'

sigrand Capitaine, ny avectant de defir d'y servir, & d'y apprendre mon mestier. Equippage que jamais Roy de France n'a eu pouvoir de faire semblable, & de le continuer dix ans, si besoin eust esté, sans souller son peuple, comme il pouvoit faire. N'est-ce pas à moy un asses grand suject de plaindre la seule occasion, qui m'estoir jamais arrivée, de tesmoigner à mon Roy: mais, ô Dieu! à quel Roy, mon courage, ma fidelité, mon affection? Certes quand j'y songe le cœur me fend. Un coup de picque donné en sa presence m'eust plus contenté, que de gaigner maintenant une bataille. J'eusse b'en plus estimé une louange de luy en ce mestier, duquel il estoit le premier Maistre de son temps, que toutes celles de tous les Capitaines qui restent vivans. Je souspire la façon de sa deplorable mort. Un Prince doux, clement, qui ne sit jamais mourir l'innocent; duquel mesmes les vi-Stoires ont esté peu sanglantes; qui s'est contenté de reduire ses ennemis à luy demander pardon; qui depuis les a receus comme ses meilleurs amis; & qui leur a fait de grands biens. Prince

## sur la mort de Henry le Grand. 11

Prince tardif à se courroucer, prompt à pardonner; sans fiel, sans vangeance; qui estoit aimé & redouté. Et cependant, au milieu de sa Ville capitale, qu'il avoit renduë un miracle du monde ; accompagné de 200 Gentils-hommes, dans son carroce plein de Princes & Seigneurs; reçoit un coup de cousteau par un homme, non pousfé de vangeance d'aucun desplaisir receu, non esmeu de ses voisins, pour crainte de ses genereux desseins: mais seulement poussé par les escrits & sermons des Jeluites, qui peuvent après cela, se nommer François, & regarder ce Spectre Infernal, sans se procurer la punition que merite cette doctrine execrable enseignée par eux, de promettre paradis aux allassins de nos Roys. Qui peut avoir vescu au temps de ce Roy auguste, comme j'ay fait, & prendre plaisir en cettuy-cy? Je veux donc separer ma vie en deux, nommer celle que j'ay passée, heureuse; puis qu'elle a servi Henry le Grand : & celle que j'ay à vivre, malheureuse, & l'employer à regretter, pleurer, plaindre, & souspirer. - Et pour l'honneur de sa memoire, je veux servir le reste de

72 Discours du Duc de Rohan

mes jours (l'empire de Dieu estant en son entier) la France, puis qu'il l'a gouvernée: le Roy, puis qu'il est son fils: la Reyne, comme ayant esté sa chere compagne.

#### DISCOURS IL

## A l'Assemblée de Saumur.

M Essieurs, encore que cette As-semblée ne soit la premiere tenuë pour mesme suject, elle ne laisfera neantmoins d'estre le fondement du bien ou du mal qui arrivera aux Eglises Resormées en ce Royaume. Nous sommes arrivés en un carrefour, où plusieurs chemins se rencontrent: mais il n'y en a qu'un où se trouve nostre seurcté. La vie de Henry le Grand la maintenoit: Il faut à ceste heure que ce soit nostre vertu. Dieu l'a retiré, afin que nostre secours ne fust plus en luy. Il nous l'avoit donné, & à toute la Chrestienté pour son repos. Il nous l'a voulu oster comme indignes de cette grace; ou pour nous relever plus que jamais quand le secours humain nous man-

que; pourveu que nos intentions soient sainctes & bonnes. Il faut donc se trouver en cette Assemblée, avec un zele ardent de maintenir la paix en cét Estat, & particulierement en son Eglise: y deposer les haines, les passions, affaires domestiques, pour travailler en son œuvre ; afin quil y . benisse nos actions. Quelle plus ambitieuse gloire pouvons-nous rechercher que de servir, selon nos conditions, à estaier, affermir, & augmenter son Eglise, penchante, foible & amoindrie? Certes chacun y doit contribuer les dons que Dieu luy à departis. Nous n'avons rien en ce monde que par usufruict. Nous y sommes estrangers, il y faut passer, mais n'y establir sa demeure, Cette vie mortelle ne se doit prolonger, que pour acquerir l'eternelle: prenans autant de soin à servir nostre Dieu, que les meschants font à servir le Diable. Imitons les, non à suivre leur malice, mais à poursuivre aussi ardemment le regne de Christ, qu'ils font celuy de Satan. Que cette difference seulement se voye, que ce soit par moyens legitimes que nous procurions nostre conserva-

## 14 Discours du Duc de Rohan

servation: comme eux emploient toute tromperie & meschanceté à nous nuire. C'est à nous à y prendre garde : le faict nous touche. Nous devons principalement nous affermir sur trois poines; comme essentiels, & dont tous les autres dependent. Le premier est lunion parmi nous: Le second l'admission à tou. tes charges: Le troisseme & dernier de pourvoir à nostre seureré. La raison, & les exemples nous ont fait cognoistre, de tout temps, que l'union est la conservation de toutes sortes d'Estats & Societez: comme la desunion en est la dissipation. Practiquons cette maxime micux que par le passé: puis que c'est le fondement de nostre edifice. Aussi ay-je commencé par cét Article, comme le plus important, le plus difficile à executer & qui neantmoins depent de nous entierement. Quel courage donnerons - nous à nos ennemis de nous refuser ce qui dependra d'eux; jugeans nostre foiblesse par nostre desunion? Quel advantage leur donnerons-nous pour courre sus à nostre ruine, si nous leur ouvrons la porte par la dissention? & pourtant, jusques icy, avons-nous fait autre choie? N'est ce pas un cas estrange

estrange que la raison, qui seule nous distingue des bestes, & qui seule nous dont faire discerner le bien du mal, est celle seule qui nous fait preserer à l'advancement du regne de Dieu, les richesses du monde: à la vangeance de sa querelle, les nostres particulieres; & à nostre propre salut, la vanité d'estre emploiés au prejudice de nos plus proches. Bref, que l'avarice, la vangeance, l'ambition ayent pris place dans nos ames, au lieu des vertus qui leur sont propres. Il faut prier Dieu qu'il corrige ces defauts, & nous anime de telle façon, que nos paroles autrefois employées à nous trahir soient maintenant un gage infaillible de nostre fidelité. Que cette Assemblée donc monstre avoir soin d'un chacun. Qu'elle reçoive les plaintes des particuliers, s'enquerant de ceux que la modestie fait taire: poursuive avec fermeré la justice de leurs causes; afin que l'on n'aye suject de chercher autre appuy. C'est là le ciment de nostre liaison: car si nous sommes lasches en ce poinet, chacun cherchera un nouveau protecteur. Qu'elle establisse aussi un ordre, qui oblige toutes les Provinces

du Royaume, à maintenir toutes les resolutions, qui s'y prendront. Pour cét effect il faut un Conseil, où toutes ayent part. Vous ostés par là l'esperance de ceux qui pretendent la protection des Eglises; lesquels ne se jettent parmi nous que pour faire leurs affaires à nos despens. Et tenez pour maxime indubitable, que nul ne cherche cette qualité, que pour tromper de tous costés. Nous ne pouvons avoir d'autre protecteur que nostre Roy, lequel, puis qu'il est tel, & nous ses sujects, qui n'avons jamais eu aucune intelligence avec les ennemis de l'Estat; nonobstant les massacres & les feux allumés, avons fidellement servi nostre Prince, quand il l'a desiré, nous avons juste suject de demander, &insister fermement, pour estre admis à toutes les charges & dignitez de ce Royaume. Ce seroit chose cruelle, que nous qui faisons partie de l'Estat, qui sommes François naturels, fussions exclus de ce que les estrangers possedent; & à la sollicitatio encore de ceux qui preschent qu'un homme mortel, quand il luy plailt, peur deslier les sujects du serment de fidelité; & condamne nostre Religion, de ce qu'elle commande au contraire l'obeif-Sance

sance à nos Roys; fussent-ils infideles. Il ne faut pas douter, que quand telles gens possederont l'oreille de nos Roys, nous ne rencontrions en ce faict beaucoup de difficulté. Mais il faut que nostre resolution & union les surmonte: car sans l'execution d'iceluy nous ne pouvons vivre en honneur. Et cependant nostre lascheté est telle, qu'au lieu de nous y maintenir, nous taschons, à nous supplanter; & portons plus d'envie à l'advancement de nos freres, qu'à celuy de nos ennemis. Ce qui cause le mauvais traictement que nous avons. Il faut donc apprendre des particuliers l'inobservation de ce poinct, y apporter la fermeté requise, pour en avoir contentement: autrement tout le monde pourra croire que nous sommes generalement convaincus du crime de lese-Majeste. On nous imputera les meurtres, que les Jesuites ont faits faire de nos Roys; fi nous portons, au lieu d'eux, la punition qu'ils meritent. Mais toutes ces choses nous sont infru-Aucuses, si nous ne pourvoyons à nos places de seureté, autrement que par le passé. Il est bon d'oster, avec la douceur la volonté de nous nuire:

nuire: il est encore meilleur d'en oster le moyen. L'un & l'autre est faisable, pourveu que nous les conjoignions; car sans le dernier, malaisément ferons nous practiquer le premier. Nostre amitié sera plus desirable, quand nous serons affranchis de la crainte de nos ennemis, & capables de secourir ceux que nous devons. Pour cér effect, il faut s'affermir entierement sur le fait de nos places; la continuation nous en est necessaire plus que jamais : Si le seu Roy l'a jugée juste, combien plus l'estelle & utile à l'Estat, durant la minorité & jeunesse de nostre Roy: afin de fermer la porte aux effrences licences, que pourroient prendre leurs ennemis, au mespris de l'authorité souveraine, pour r'allumer le feu, & respandre le sang, que nostre Grand Henry par les travaux & par la perte du sien, a heureusement esteint, & estanché. La minorité de Charles neufviéme doit servir d'exemple aux gens de bien, pour tascher à eviter tels malheurs: mais cét exemple r'est eille aussi les persurbateurs de l'Estat : Il les invite à le servir du temps & de l'occasion, qui'se presente, pour executer leurs desseins,

desseins, qu'ils ont, de le ruiner. Nous y avons interest, nous faisons partie d'iceluy; si ce n'est la plus grande, au moins la meilleure, & pour laquelle Dieu conserve le reste.

Regardons les places necessaires pour les conserver. Il faut premierement r'avoir les perduës, ou d'autres en leur lieu, afin d'oster l'esperance de nous en diminuer le nombre pour l'advenir: puis obtenir la confirmation de toutes pour certain nombre d'années, jusques à ce que tous les sujects de messiance nous soient ostés. Pourvoir aux abus qui se commettent en la garde d'icelles, & à la direction du Gouvernement. Mais comment nous roidirons-nous à ces choses, & de quel front demanderons - nous ce qui depend d'autruy, si nostre avarice fait convertir à nostre usage particulier, les deniers destinés pour la conservation publique? si les garnisons de nos places, sur la confiance desquelles nous establissons nostre seureté, sont par miracle, transsubstantices en terres & en meubles? Certes cela est deplorable, & la lethargie si grande parmi nous, que les exemples pris de tels manque-

manquements, ne nous resveillent pas. Nous ressemblons aux petits enfans qui ferment les yeux, pensans estre en seureté, & qui ne s'apperçoivent de leur faute, qu'en recevant le chastiment. En tel cas le repentir ne sert ny au pu-blie, ny au particulier. Je sçay que ces choses, quoy que justes, rencontreront de grandes difficultés: Qu'on nous opposera que nous demandons plus que nous ne possedions du temps du feu Roy: Que nous devons, pour entretenir la paix, en l'enfance de ce regne, nous contenter de pareil traichement. A cela on peut respondre, que c'est le changement des choses qui nous donne de l'apprehension. Combien, en divers lieux le Clergé en a-il obtenu à nostre prejudice? combien de craintes avons-nous receus depuis le malheureux jour du parricide de nostre Henry le Grand? La Loy des Estats change selon les temps: on n'y peut donner de Maximes certaines. Ce qui est utile à un Roy, est dommageable à un autre. Si un Roy de France se rend aujourd'huy persecuteur de no-Are Religion, il en perd la protection parmi toute la Chrestienté; enrichit 43 MILES

de ce tiltre quelqu'un de ses voisins, n'augmente de creance parmi ceux de l'Eglise Romaine, & ruine entierement son Royaume. Ce qui ne peut arriver à un Roy d'Espagne pour mesme occasion, pource qu'il ne peut perdre la creance qu'il n'a point, & ne peut maintenant apporter de troubles à son Estat, depuis qu'il a perdu en cette querelle tout le Pais-Bas: car il n'a plus de sujets de nostre Religion. Je dis plus, que la situation de France au milieu des autres Royaumes, & l'exercice libre de nostre Religion en reeluy acquierent, sans difficulté, à nos Roys, l'authorité & creance, qu'ils ont parmitous, de Protecteurs de l'Europe; laquelle ils maintiendront autant de temps qu'ils nous traicteror bien. C'est pourquoy si le Roy est bien conseillé, il nous conservera aux choses susdictes : simal, il vaut mieux nous en appercevoir de bonne heure, qu'attendre l'extremité. Que nostre but soit la gloire de Dieu, & la seureté des Eglises qu'il a establies si mirac leusement en ce Royaume: procurant du bien l'un à l'autre avec ardeur : mais par moyens legitimes. Soyons religieux à ne demander que ses choses necessai-

## 22 Discours du Duc de Rohan

necessaires; soyons fermes à les obtenir: & asseurons-nous que celuy qui a fait naistre de la cendre de tant de Martyrs, tant d'esseus en France pour le glorisser, les conservera & augmentera tousjours. Honneur & gloire soit au Pere, au Fils, & au Sain& Esprit. Amen.

#### DISCOURS III.

Sur l'Estat de la France, durant ses persecutions de Sain& Iean.

C'Est avec regret que je commence ce discours; par le malheur que la mort deplorable de Henry le Grand a apporté à toute la Chrestienté, & principalement à la France. Dieu nous avoit sait naistre ce Prince dans un parti abandonné, l'avoit eslevé à la conservation d'iceluy, l'avoit maintenu contre toutes les puissances Chrestiennes; & conduict comme par la main, au Gouvernement de la Monarchie Françoise. Ses actions avoient esté autant de merveilles, & d'exemples à la posterité. Es brouilleries quil avoit desinessées estant Roy

Roy de Navarre, il avoit recognu ceux qui ne se sussent jamais descouverts à luy Roy de France. Aux necessités receues, il avoit appris à supporter la peine, la pauvreté, le mescontentement des Grands & des petits. Et pour le faire court, toutes les incommodités, qu'apporte la charge d'un chef de parti, dans un Estat où l'authorité souveraine, avec les commodités d'un Royaume estoient employez pour le ruiner. Ayant surmonté toutes ces difficultez & conquis par son esprit & espée ce qui luy estoit acquis par sa naissance, il devint Roy paisible du plus puissant & glorieux Royaume de la Chrestienté: mais qui, par ses longues maladies, s'estoit rendu, hors sa personne, mesprisable: voire incapable de secouvir ses voisins : mesme de se maintenir sans eux. Douze ans depuis, le rend sous son regne, plus riche, mieux basti, & plus puissant que jamais. Luy plus absolu, ses threfors & ses arsenaux mieux fournis, ses frontieres mieux fortifiées, ses vrayes & solides alliances plus fermes; ses ennemis plus affoiblis que jamais Prince n'eust peu esperer, ny melme

mesme souhaitter. Bref il estoit l'Arbitre de la Chrestienté, avoit la paix & la guerre entre ses mains; & de luy dependoient entierement toutes les affaires de l'Europe. Voilà l'Estat florisfant, auquel nous a laissez Henry le Grand. Nous estions la terreur des ennemis; l'azile de nos amis. Nostre France, avec son chef, estoit considerée, comme la plus abondante, & plus considerable partie du monde. Il faut maintenant voir nostre changement, & d'où il procede. Il est certain que Dieu suscite & oste les Grands Princes; selonqu'il veut benir ou punir les peuples de la terre: sur tout quand par voyes extraordinaires il les envoye, & les retire. Ce que nous pouvons recognoistre en la vie & en la mort de Henry le Grand, Car si ses actions vivantes ont esté extraordinaires à nostre repos: combien sa violente mort nous doit-elle donner, avec les justes regrets, de veritables apprehensions? Mort non selon le cours de nature, ny par accident : mais d'une deliberation diabolique, fortifiée par les sermons & escrits des Jesuites, entreprise à la veille de ses conquestes, & parmi les magnificen-

durant ses persecutions de S. Iean. 25 ces, au milieu de sa grande Ville de Paris, de sa Noblesse & de son peuple. N'attribuons donc point nostre changement de bien en mal, apres nos pechez, qu'à la mort de nostre Roy: la reputaion duquel a encore maintenu pour quelque temps les affaires de l'Europe en quelque estat. Mais tant plus nous nous esloignons de son Regne, tant plus voyons-nous les affaires changées. L'Europe prend toute une autre face, laquelle estoit autresois ballancée par les deux puissances de France, & d'Espagne. La premiere ayant sans contredict, tous les Protessans en la protection, ou asseurée pour elle, & nous partissant avec la derniere le parti des Catholiques Romains. Puissances qui ne se peuvent souffrir, ny que les Alliances de mariages ne peuvent unir, par l'accroissement de l'un, & diminution de l'autre. De plus, l'egalité de ces deux puissances maintient toutes les autres; lesquelles y ont grand interest, & sans icelles seroient facilement surmontées, par celle des deux qui demeureroit superieure. Maintenant nous commençons à appercevoir, un grand changement en cet ordre. L'Alliance

liance de France, & d'Espagne fait ouvrir les yeux à tous leurs Confederez, sur tout à ceux de France, qui voyent bien qu'elle n'a esté recherchée que pour sa ruine, & par consequent la leur. C'ertes c'est un bel artifice à l'Espagne de persuader à la Reyne que ces Alliances la fortifient, maintienent son authoriré, & que les Princes du Sang ny autres n'oseroient luy rien contester. Ce sont raisons plausibles : mais qui ne penetrent gueres avant. Car contre qui se doit - on gueres fortifier, que contre l'Espagne? de qui se fortifier que de ses ennemis irreconciliables, & interessez à nostre bien & cependant nous faisons le contraire. Nous prenons Conseil de nos ennemis, nous nous allions d'eux pour perdre nos amis: ou pour le moins, se voulans sauver, & chercher appuy ailleurs, les perdre pour nous. Voilà ce qu'apporte le Conseil d'Espagne, ou pour mieux dire les doublons d'Espagne au Conseil de France. Voilà le support qu'il nous faut attendre de cette Alliance; laquelle se joignant avec le Pape, ne peut desirer autre profit que la ruine des amis deFrance,&mesme de la plus saine partie des bons François.

### durant ses persecutions de S. Iean. 27

Or il faut maintenant voir quelles ont esté, jusques à present, toutes les intelligences de ces deux partis de l'Europe, leur puissance, & qui perdra au changement des partisans. La France a l'Angleterre; les Venitiens; les Estats du Païs-Bas; la Savoye; les Princes Protestans d'Allemagne; le Duc de Lorraine; les Cantons des Suisses; & la pluspart des Villes Imperiales, tous interessés, pour la crainte de la Maison d'Austriche, c'est à dire d'Espagne; mais pourtant diversement. L'Angleterre se souvient des pretensions d'Espagne, tesmoin la grande armée de l'an 1588 & que le dessein d'abolir la Religion Reformée regarde principalement ce Royaume. Venise eraint le voisinage de Milan, & l'accroissement de puissance en Italie au Roy d'Espagne; pource que indubitablement, il s'en rendroit Roy absolu. Les Pais-Bas ne font que sortir de sa tyrannie, la haissent, la redouttent & plustost perdront tout, que d'y r'entrer. Chacun sçait combien est douce la liberté: & que ne seroit un peuple, pour conserver celle qu'ils ont acquise. Les Princes Protestans d'Allema-

b 2

gne

gne n'ont-ils pas suject de craindre; & hair la Maison d'Austriche & s'opposer à elle ; veu qu'elle leur a volé l'Empire, &rendu comme hereditaire à leur Maifon; qui est le grand chemin à la servitude, à laquelle ils vont tomber s'ils n'y prennent garde de prés. Les Cantons des Suisses, lesquels se sont soustraits pour la pluspart, de ladite Maison d'Austriche, n'ont-ils pas inserest à lui ofter le moyen de les reconquerir? sur tout ceux de nostre Religion, contre lesquels pretexte & secours ne lui manquera point du costé de Rome. Les Ducs de Savoye & Lorraine sont si prés de la France, que quoy qu'ils ayent esté autrefois & long temps partisans d'Espagne, il semble que maintenant ils panchent du costé de France. Le premier pour les pretensions du Duche de Milan, promis à sa semme, pour partage. Et le second, pour la facilité à un Roy de France de le ruiner quand bon luy semblera. Restent les Villes Imperiales d'Allemagne, qui ont pareil interest, que les Princes Protestans. Je laisse le Dannemarck; la Suede; la Polongne; & autres Estats plus essoignez: pource que leurs interests ne sont conjoinets avec les nostres.

### durant ses persecutions de S.lean. 29

Le parti d'Espagne consiste en l'Empereur; l'Achiduc Albert; qui sont de sa Maison; Aux Princes Allemans Catholiques Romains; & Villes Imperiales Catholiques Romaines, à cause de leur mes-intelligence avec les Protestans; A tous les Princes d'Italie, plustost par force que par amour; Aux Cantons Suisses Catholiques Romains, moyennant quelques pensions conditionnellement; & à l'authorité du Pape, lequel, tandis que par le maintien de nos Alliances, nous monstrerons nostre invincible puissance, se monstrera neutre: mais sera pour l'Espagne par inclination. Car deux choses le portent entierement contre nous, la perte de son authorité, & de son revenu és lieux que nous occupons. A quoy le Roy d'Espagne le pousse: afin que luy mettant en teste de dominer spirituellement sur toute la Chrestienté, sous pretexte d'extirper les heresies, il s'en face Monarque temporel. Voilà comme tous leurs desseins s'accordent à nostre ruine. Examinons maintenant ces deux grandes puissances, & laquelle est la plus solide. La France est un grand & puissant Royaume, abondant

dant en tous biens, peuplé de bonne Noblesse, bons soldats, & bons mariniers, garni de bons Ports, tout r'assemblé, sans estre separé par aucun Estat, situé tellement qu'il se peut aider de ses susdits amis. L'Angleterre, Escosse & Irlande est un puissant Estat, & une nation naturellement vaillante & sur mer & sur terre, riche de soldats & de vaisseaux, & qui peut soldoier une armée. L'Estat Venitien est puissant en Italie, a de grands thresors, & se peut nommer le Maistre de la mer, n'y ayant puissance en Italie, non pas mesines toutes ensemble, qui les esgale en nombre de galeres & autres vaisseaux. Le Pais-Bas est un Estat le pouvoir duquel je prise merveilleusement; Ils ont esté 40 ans en guerre avec le Roy d'Espagne, ils n'en font que sortir; Ils ont l'eslite des bons Capitaines & soldats, entretenus en pleine paix, & ont des moyens; ont une armée de 15000 hommes de pied, & de 3000 chevaux, & sa suite preste de marcher où l'on veut. Pour la mer, ils en sont les Maistres sans contredit : de façon qu'ils peuvent, quand ils veulent, secourir leurs amis, & empescher le se-

cours de leurs ennemis; tesmoin l'armée du Prince de Parme contre l'Anglois, qu'ils ont empeschée de fortir de leurs havres : & les places maritimes de l'Archiduc, lesquelles durant la guerre, ont esté tousjours blocquées par mer. Les Princes Protestans & les Villes Imperiales, chacun sçait combien ils sont plus forts que les Catholiques Romains. Pour les Suisses, pour de l'argent on en a tant que l'on veut. Restent les Ducs de Savoye & de Lorraine. Ce sont deux Princes; particulierement le premier, qui peuvent mettre du monde ensemble. Quant à la commodité de se secourir les uns & les autres, il ne faut que prendre une carte del'Europe, pour voir que nulle puissance contraire ne les en peut empescher.

X Venons maintenant à l'autre puissance. Premierement l'Espagne est un grand Royaume, mal peuplé, & qui n'est trop ferul, situé à un accul plus propre à se conserver, qu'à s'accroi-Are, tout entouré de la mer, & des monts Pyrenées, lequel seul ne seroit comparable à la France. Mais il a une grande chaine aux Indes tant Orientales,

les, qu'Occidentalles : d'où luy vienent ses grands thresors, & qui luy ont fait naistre l'ambition de la Monarchie Chrestienne. De plus il a en Italie les Royaumes de Naples & Sicile, & la Duché de Milan, & huict ou neuf Provinces de Flandres: car encore que l'Infante les aye en partage, il en a tousjours l'authorité entiere. A la verité c'est un grand terrien, & fitous ses Pais estoient contigus; Il surpasseroit de beaucoup la puissance de France. Mais il est contraint de despendre les revenus de Naples, Sicile, & Milan pour se garder:& d'emploier les thresors des Indes, pour conserver les Provinces de Flandres, à . cause des continuelles despenses qu'il luy convient faire, pour y mener & entretenir ses armées. Au reste il luy manque fort d'hommes, il luy faut des Espagnols naturels en tant de lieux, qu'il n'y peut fournir; & est contrainct d'user de severité pour les faire marcher. Bref cette puissance est plus fascheuse que solide. L'Empereur est le premier en honneur, & le dernier en pouvoir: Il a premierement un grand enuemi: assavoir le Turc, contre lequel il ne sçauroit resister sans ayde:

ayde; à grande peine secourroit-il les autres. L'Archiduc est compris soubs la puissance d'Espagne: car il n'ose ny ne peut agir sans sa volonté ny sans ses moyens. Les Princes Allemans & Villes Imperiales Catholiques Romaines sont fort peu considerables, pour n'estre égaux au pouvoir des autres. Et tous les Princes d'Italie sont fort peu de chose: horsmis le grand Duc de Toscane, qui à la verité a hommes & argent. Quant aux Suisses, ils marchent pour de l'argent: & toutesfois l'Espagnol n'a Alliance qu'avec les Cantons Catholiques Romains, & la France l'a generale. Reste l'authorité du Pape, laquelle autrefois, durant la grande ignorance & superstition, a esté fort absoluë; pource que ses excommunications deffaisoient les armées, transseroient les Couronnes: mais maintenant on s'en moque, elle ne nuit qu'à qui la craint: son secours ne consiste qu'en fulminations. Quant aux moyens de se secourir, ils sont fort longs, penibles & dangereux. Premierement, la France separe la Flandre de l'Espagne : la Provence peut incommoder le passage d'Italie en Espagne. La Bourgongne, la Bresse, la Lorraine, & l'Estat des Venitiens separent le resse de l'Italie de l'Allemagne, & des Païs-Bas. En un mot cette puissance est fort grande, & de merveilleuse estenduë, pleine d'apparence
exterieure: Mais elle est si separée, &
a tant dincommoditez à se joindre,
que cela luy oste beaucoup de sa force.
Au contraire celle qui depend de la
France, est solide, unie, prompte

pour se desendre & attaquer.

Voilà donc ces deux puissances, qui dependent, l'une de France, l'autre d'Espagne. Il n'importe pas peu que chacun de ces Royaumes conserve son credit dans son parti. Ce qui est facile au Roy d'Espagne: pource que tous ses sujects & Alliezsont de sa Religion, ou de sa Maison, ou obligez à exterminer les Protestans. De façon qu'on ne peut prendre de luy ombrage, qu'il puisse changer ses intelligences. Ce n'est de mesme du Roy de France : car il est de la Religion Romaine, & en 2 plus de sujects que de la Religion Reformée, & mesme des Alliances Papistes, & si pourtant la force de son parti consiste en Reformez.

De façon que s'il ne les mesnage bien, & ne monstre nulle association avec le Roy d'Espagne, en mal traictant ses sujects qui en sont prosession, il les perdra tout à coup. On se fie peutestre en ce que le parti Resormé ne se peut joindre avec le Roy d'Espagne: mais ne voulant se perdre, en se r'alliant il peut choisir le Roy d'Angleterre, qui ieroit l'entiere ruine du Royaume de France se servant des menaces de rendre le mariage de Henry le Grand illegitime, & nous serions si aveuglés; que de contribuer nostre ruine à l'insatiable & immoderée ambition du Pape, & du Roy d E pagne? Ne void-on pas qu'un tel traictement attire une guerre civile en France, laquelle est plus à craindre que les fulminations du Pape de Rome, qui ne pouvant ruiner la France par les armes estrangeres, la veut destruire par les naturelles.

Certes il y a eu du jugement de Dieu, qui pour nos pechez nous veut punir, puis qu'il nous empesche de voir, d'apprehender, & de tascher à éviter les malheurs, que mesmes confeils, mesmes resolutions, mesmes chemins tenus, pour l'execution d'icel-

0.6

le,

le, ont fait voir 40 années durant, & qui avoient reduit la pauvre France à telle extremité, que, sans miracle, elle ne se pouvoit relever. Les mesmes partis sont en l'Estat. Pour le premier, la Reyne Mere veut establir son authorité, en mesme sorte que la seuë Reyne Mere: pour cét effect abbaisse les Princes du Sang; se sert de l'authorité de la Maison de Guise, à laquelle est joincte celle de Monsieur d'Espernon se fortifie non des vrais amis de cette Couronne, mais de ceux, qui, par la division, la veulent affoiblir; comme du Roy d'Espagne & du Pape. Voilà un partigiand & fort: mais qui est composé de personnes, qui desirent plustost la destruction, que la conservation de cét Estat. Ce qui l'appuye d'autant plus, est qu'ils abusent de l'authorité Royale, laquelle est entre leurs mains, faisans parler Louys treisiesme en toutes. leurs expeditions, quoy que ce soit à son detriment. Le second partiest composé des Princes du Sang, lesquels voyent le mal de la Maison: mais n'y peuvent pourvoir, ayans perdu, par leur changement de Religion, ceux qui avoient maintenu leurs

leurs Peres. De façon qu'ils n'ont que la Justice & nulle force. Le troisselme partiest celuy de la Religion, lié par la conscience avec tous les Protestans de la Chrestienté: parti seul capable de maintenir la France, comme il a fait autresfois, ayant conservé les enfans de la Maison contre les estrangers: & entr'autres nourry, & eslevé Henry le Grand, restaurateur de cet Estat. Dont les ennemis, ayans recognu que la for-ce de cedit parti consistoit en son union, son ordre, & ses seuretez, ils ont employé tous leurs artifices, pour ruiner tels fondements: Ce qui a paru clairement en l'Assemblée de Saumur: où l'argent, les pensions, les menaces ont esté employées, pour corrompre les personnes qui en estoient capables, les diviser entreux, & en cette division les ruiner. Comme aussi par le brevet de congé, donné aux Deputez des Assemblées particulieres, par la Declaration qu'ils font verifier és Cours de Parlement, où ils defendent expressement l'ordre estably de tout temps parmieux, sans lequel ils ne peuvent pourvoir à leurs necessitez; & par la, peine qu'ils prennent à s'asseurer de b 7 leurs

leurs places de seureté; gaignans les Gouverneurs faciles; donnans moyen à d'autres affidez d'acheter les Gouvernemens des gens de bien; taschans au prejudice des Privileges des Villes particulieres de fair e des Maires à leur dévotion; & s'efforçans de supplanter de leurs Gouvernemens, ceux qui persistent contre leurs contestations, sçachans bien que leurs segretez manquans, ils ne se peuvent maintenir. Et à toutes ces pernicieuses intentions, ruineuses à l'Estat, on emploie l'authorité du Roy. Voilà quels sont les partis de France, quels sont leurs des-feins; & par qui soussenus. Le premier couvre toutes ses mauvaises intentions de l'authorité Royale. Le second crie apres le mauvais Gouvernement, sans estre escouté. Le troisieme se plaint de son mauvais traictement sans estre soulagé. Et jusques à ceste heure l'argent de l'Estat a si bien operé, parmi les ames viles & perfides de ces deux derniers partis, qu'ils en ont este le mespris du premier. Et le Conteil des petites gens, pensionnaires de Rome & d'Espagne, preferé à celuy des Princes du Sang, &

durant ses persecutions de S.lean. 39. des Grands du Royaume. Mais si lesdicts Princes; & ceux de la Religion peuvent recognoistre leurs fautes, les reparer, joindre leurs justes plaintes, unir leurs interests, &, en gens de bien, ne s'abandonner par nulle promesse, au prejudice les uns des autres; il est indubitable qu'en se relevant, ils releveront l'Estat: dont un jour on leur sçaura gré. Si aussi la peur, l'avarice, ou tous les deux ensemble. empeschent les deux partis de s'unir, de prendre les resolutions genereuses & necessaires, voicy ce qui arrivera, & Dieu vueille que cene soit Prophetie: la France servira de theatre, pour executer les passions de Rome & d'Espagne, contre tous bons François & Chrestiens. Et quand le mal sera sans remede humain, tous ceux ausquels restera une estincelle de l'amour de Dieu & de leur patrie, ne pourront avoir de soulagement qu'à regretter les fautes passées, & à souffrir, par leur imprudence, teljoug que leur voudra imposer l'estranger. Car nous ne nous imaginons point que le parti, qui ruinera les deux autres, avec l'assistance des fulminations du Pape; & les for-

ces du Roy d'Espagne, demeurera absolu. Tels Princes ne prennent tant de peine pour nostre bien. Leur dessein sur laFrance, tant s'en faut qu'il soit esteint, qu'il se renouvelle maintenant avec plus d'esperance que jamais, voyans que tout leur vient à souhair. Le r'establissement des Jesuites, la mort de Henry le Grand, la Regence du Royaume en la Maison de Medicis, l'Estat gouverné par les anciens pensionnaires d'Espagne & de Rome, tous les autres Estats ostez, l'appuy d'iceluy fondé sur la Maison de Lorraine, l'authorité deuë aux Princes du Sang ostée, & la division formée parmi les Reformez. Tous lesquels maux estans arrivezà cét Estat, en si peu de temps, leur donne une grande esperance de parvenir à leurs anciens desseins. Aussi s'ilreste, durant la minorité de Louys treisselme de la generosité aux Princes du Sang, & de la pieté aux Reformez, ils s'opposeront à la ruine de l'Estat, menacée par la leur. Car la France ne peut subsister long temps, la Maison Royalle oppressée, & les Reformez persecutez, pource que ce sont les seuls qui ne peuvent subsister, que

durant ses persecutions de S. Iean. 41

par la conservation de la Couronne, & qu'on ne peut ruiner, qu'on n'affoiblisse tellement le Royaume, qu'il demeure au premier occupant ou se 
brise en pieces. Que telles considerations donc nous rendent sages, avant 
que l'impossibilité d'y remedier ne nous 
laisse seulement que le desespoir de ne

l'avoir preveu.

Vous Princes, sçachez que l'authorité usurpée ne se lasche jamais de bonne volonté. Que vostre plus grand crime est le droict que vous avez au Gouvernement de la France; '& que la seule crainte vous peut redonner, ce que le mespris vous a osté. Et vous, qui faites profession de la Religion Reformée, souvenez-vous par quel moyen vos Peres ont planté l'Evangile de Christ en ce Royaume, establi nos seuretez, nostre ordre. Serons nous si miserables, de preferer à nostre liberté, & à celle de nos enfans, & à la ruine de l'Eglise de Dieu, les vaines promesses de quelque pension, qui dure autant que vous nuisés à vostre patrie; ou de quelques petits Estats, desquels vous ne jouirez apres la ruine du corps, sans abandonner vostre Religion?

gion? Si done vos Princes veulent conserver cette Couronne dans leur Maison, & les Reformez dans l'Estat, ils doivent s'unir, se maintenir & s'appuier les uns les autres. Que nos pouvoirs soient emploiez, pour leur donner l'authorité qui leur est escheuë; les leurs à affermir nostre ordre, nostre seureté, & nostre correspondance: Et tous ensemble à entreteuir les anciennes Alliances de nostre Couronne. Je voy qu'on calomnie les Reformez, de vouloir, par leur ordre, se desjondre de l'Estat, à l'imitation des Suisses & des Pais-Bas: Mais, ny la façon dont ils sont dispercez dans le Royaume, ny le nombre des Grands & de la Noblesse, qui est parmi eux, ny l'honneur de leur nation, ny méme leur utilité, ne peuvent souffrir que telles pensées entrent ou puissent tomber en l'entendement d'aucuns. Dieu par sa grace vucille regarder cét Estat en pitié; s'il veut le conferver en son entier, je le supplie de tout mon cœur que le corps des Refo mez soit son principal a, puy; si aussi il le veut ruiner, qu'il se souvienne de replanter les Eglises par le mesine moyen qu'il les y a plantees. Amen.

## DISCOURS IV.

Sur le voyage du Roy en luillet 1615.

C Ur les diverses & importantes affaires qui se passent aujourd'huy en cét Estat, j'ay creu devoir à ma fidelité, & au service que j'ay voué à la Reyne, luy representer franchement mes advis; lesquels doivent estre considerez: pource que je ne les donne par haine, ou vengeance d'aucun; ny par crainte d'estre reculé; ou esperance d'estre advancé aux affaires; qui sont des passions, qui aveuglent bien souvent les plus grands personnages . Mon humeur toute franche, & mon affection entiere, où je la donne, tire de moy ce discours, auquel on verra mon Conseil, & ma resolution. Je confesse qu'aux affaires dont il s'agit, je n'y voy pas au fonds que les actions passées du Prince de Condé font douter de sa fermeté, & bonne conduicte: toutefois je prendray les choses au pis, comme si tous les moyens, dont on s'est servi au temps passé, manquoient: estant certain que les fautes, dont on restent ressent le dommage, corrigent souvent les hommes & les prosperitez les endorment.

Jusques à la tenue des Estats generaux, tous les peuples & tous les Officiers du Royaume, se sont maintenus en leur devoir; pource qu'ils apprehendoient les graces, & les dommages avec elles. De façon qu'ils estoient contraires à ceux, qu'ils croioient autheurs d'icelles, aimans mieux jouir de l'estat present, que soubs esperance d'une reformation, jetter toutes choses aux extremités. A la tenuë des Estats generaux, le discord des Ordres, sur l'Article du tiers Estat, par le Parlement de Paris; l'instante demande du Concile de Trente des deux premiers Ordres; la mauvaise volonté que le Clergé tesmoigna contre ceux de nostre Religion, ne voulans approuver nos Edicts de pacification, & requerans du Roy des serments de nostre ruine, ont donné un grand chemin à ceux, qui travaillans à diminuer l'authorité de la Reyne, veulent accroistre la leur. En suite de celà la revocation de la polette est venuë, laquelle, quoy que Saincte, a alteré les Officiers du Royau-

Royaume; n'estant de saison, & le r'establissement ne les a r'amenez: pource qu'encore que ce soit ce qui les a esmeus, ils ne le veulent faire paroistre, couvrans leurs interests particuliers par le manteau du bien public. Il y a plus, c'est que les Deputez desdicts Estats, estans allez pour la pluspart, non pour regarder au bien du Royaumes mais pour faire leurs affaires particulieres, & s'estans portez aux volontez de la Reyne, ont creu qu'elle leur devoit de grandes recompenses. De façon que ceux qui ne les ont receues, comme ils cioioient les meriter, s'en sont retournez dans les Provinces, blasphemans contre le Gouvernement de l'Estat: & ce nombre joinct avec celuy qui estoit contr'elle est beaucoup le plus grand. Toutes ces choies estans exaggerées par le Prince, & par les siens, avec soin & artifice, elles ont merveilleusement profité par tout, mesme parmi les estrangers & meilleurs Alliez de la France: pource qu'on leur imprime, que le dessein est formé, entre la Reyne, le Pape, & le Roy d'E pagne, de ruiner par force d'armes, ceux de nostre Religion dans toute toute la Chrestienté. Ce qui seroit à la verité, où tous bons François se devroient opposer: pource qu'il affoibliroit la France, & tous ceux qui sont Alliez à elle, contre la grandeur d'Espagne.

Voilà l'Estat de nos affaires, ausquelles il faut, ou que le Prince se relasche, ou que la Reyne ploie un peu,

ou que toutes choses esclattent.

Si le Prince se relasche pour ses affaires particulieres, c'est sa ruine, & l'entier affermissement de l'authorité de la Reyne. C'est pourquoy je ne juge

pas qu'il s'y laisse aller cette fois.

Il faut maintenant voir, lequel est meilleur pour la Reyne, qu'elle tienne ferme, quand tout devroit esclatter, ou qu'elle cede un peu de temps; pour puis apres reprendre sa preniere authorité: & quel inconvenient il ya en l'une & en l'autre resolution. Si elle se relasche, en retardant le mariage, ou apportant quelque changement au Gouvernement des affaires, & des Finances; il semble que le Prince en tirera le gré; que son authorité en croistra; que celle de la Reyne en diminuera: & par consequent la gloire de Pan

l'un sera le mespris de l'autre. Si on continuë le mariage, & que toutes choses demeurent comme elles sont, l'on doit apprehender les esmotions, que le Prince, le Parlement, & le peuple de Paris peuvent faire durant le voyage, non seulement dedans leur Ville, mais aussi par toute la France: Les desfiances des Princes estrangers, Alliez de cette Couronne, qui pour leurs interests, craignent la lia ton de France & d'Espagne: La guerre de Savoye, l'abandonnement duquel Prince on interpreteroit, comme une preuve de nostre liaison avec l'Espagne, à leur prejudice: Et les craintes conceuës de ceux de nostre Religion, que toutes ces choses recombent sur nous. C'est pourquoy je croy qu'on ne peut partir, sans hazarder tout à fait l'authorité de la Reyne, si on ne pourvoit à tous ces inconveniens.

Sion se resout au voyage, mon advisest, à quelque prix que ce soit, de resoudre quatre choses. La premiere de laisser un ordie dans Paris; soit entre les mains d'une personne qualifiée, assissée du Conseil; soit entre celles du Parlement, pour avoir une correspondance

dance avec la Reyne, & pour empescher les esmotions du peuple. La seconde de faire la paix en Savoye, ou pour le moins ne monstrer sa soiblesse, & mauvaise volonté, en dessendant expressement de n'aller secourir ledit Duc; puis qu'on ne le peut empescher. La troissesse de contenter, par l'Alliance d'Angleterre, tous les Princes nos Alliez, qui craignent celle d'Espagne. La quatriesme & derniere, par un bon & savorable traistement, donné a nostre Assemblée, tesmoigner publiquement aux Resormez qu'on les veut conserver.

Voilà mon premier advis: mais j'en croy un autre plus utile, & plus seur, si on veut bien l'examiner; & hors de toute crainte d'esclat, lequel voicy. Que la Reyne mande au Prince, qu'ayant examiné les Remonstrances du Parlement, elle y veut donner ordre, avant le voyage de Guienne: & pour cét esset, le convie à luy venir ayder à reformer les assaires. S'il ne vient; c'est l'advantage de la Reyne: & il ne saudra pas laisser de travailler avec le Parlement à la mesme chose. Car ce qui se fera de bien ne sera plus attribué

au Prince; puis qu'il n'y aura pas affisté. Mais en cette Conference, il faut contenter le Parlement, à quelque prix que ce soit, sur tout en l'administration des Finances: & c'est à quoy la dexterité est necessaire. Car quand on se relascheroit à des choses à contrecœur, il ne le faut tesmoigner, ains monstrer en estre bien aise. Si cela est conduit comme il faut, & par personnes qui ne regardent que l'authorité de la Reyne, dans six mois élle en aura plus que jamais, & ruinera entierement l'union du Prince. Croyés qu'il y a en France assés de puissance pour soustenir l'authorité de la Reyne, sans l'emprunter d'ailleurs. Je ne me veux. servir que d'un exemple, qui est la guerre du bien public contre le Roy Louys onziesme. Il ne ruina cette gran-. de Ligue qu'en les divisant : Ce qui sembloit estre du commencement à la grande diminution de son authorité. Si vous ne pouvez plus, par interest particulier desunir les Princes, il faut tenter la voye par un autre costé: & si le Parlement suit l'avarice, pource qu'il est sur ses gardes de ce costé-là, il faut chercher d'autres endroits plus foibles,

30. Discours du Duc de Roban

bles, & dont il ne se doute pas; à sçavoir la vanité d'avoir aydé à la Reyne à remettre le Royaume en bon estat. Cependant le Roy croist; & avec l'aage augmente d'authorité: ce qui affermit celle de la Reyne, & diminue celle des Princes du Sang. C'est pourquoy il se faut garder de cela, & que la diminution apparente de quelque particulier ne soit cause de hazarder l'authorité de celle qui les maintient; la diminution de laquelle les ruine entierement. Quant à ma resolution elle est de servir fidellement la Reyne, contre Monsieur le Prince: de procurer de tout mon pouvoir le bien de la grandeur de ce Royaume, d'y porter, en ce que je pourray, tous ceux de la Religion. Mais si par passion qu'on aye contre ceux de ladite Religion, & par mauvais Conseil, on les traiete comme à Saumur, je declare que je ne me defuniray jamais des resolutions publiques, que nostre Assemblée prendra icy.

## DISCOURS V.

Sur le Gouvernement de la Reyne Mere, fait en l'année 1617.

L'Eloquence, qui ne touche les in-terests de ceux qu'on veut perfuader, a ordinairement peu d'effect envers eux: Aussi la lettre que Monsieur de Vendosine, de Mayenne & de Bouillon escrivirent au Roy contre le Mareschal d'Ancre, & la Declaration faicte au nom de sa Majesté, pour y servir de response, piece delicate, & bien faicte, n'ont toutefois gaigné jusques à present sur personne; ou pour faire embrasser le parti des Princes mescontens; ou pour faire entierement approuver le Gouvernement d'aujourd'huy. Car la faveur de Monsieur le Mareschal d'Ancre est abhorrée & suspecte: & ceux qui s'en taisent, sont ou pour effect, ou pour esperance, attachez à sa fortune. Et certes il n'y avoit point encore d'exemple d'homme, honoré du baston de Mareschal de France, qui n'eust jamais servi en armée: ny d'homme,

qui

qui tout à la fois, eust entre ses mains, le soing, le seau, & la bourçe du Roy: C'est à dire, toute son authorité. L'on trouve aussy estrange que ceux, desquels le feu Roy se servoit en ces Char. ges-là, se trouvent siesloignés. Que depuis, la probité de Monsieur le President du Vair, & sa capacité sont sans reproche, & ne sont pas neantmoins garentes de disgrace: & mesme on croit qu'elles l'ont advancée. De maintenir aussi que les Edicts de pacification; & toutes les promesses faictes à des Communautés ayent esté jusques icy inviolablement observées, & ainsi poser la foy, pour la marque plus asseurée de la Royauté; C'est discourir en vain à ceux qui sçavent le contraire : c'est à dire, presqu'à tous. Et cét eschantillon de plainte contient en soy quasi le sommaire de ce qui se dit d'importance contre ledict Sieur Mareschal d'Ancre, & le Gouvernement d'aujord'huy. Surquoy, dit-on, il seroit bien à

Surquoy, dit on, il seroit bien à desirer, non pas que le Mareschal d'Ancre sust ruiné: car sa naissance egale bien celle de quelcun, qui de nostre memoire a esté fait, non seu-

lement

sur le Gouvern. de la Reyne Mere. 53 lement Mareschal, mais Duc & Pair de France, & qui a establi une heureuse Maison en ce Rayaume. Et son esprit, sa nourriture, & plusieurs autres qualités, le font juger digne de grande faveur, & souvent faire desirer qu'il se naturalise parmi nous, & y establisse une grande Maison. Ce qui ne peut estre qu'honorable à nostre Nation. Mais il seroit à desirer, dit-on, que cette grandeur ne donnast point de juste ombrage à ceux, qui sont jaloux de l'authorité Royale, & de la Monarchie; & que jusques à la parfaicte majorité de nostre Roy, la puissance ne fust entre les mains d'un seul, qui en pourroit plus facilement abuser que plusieurs, lesquels s'empeschans l'un l'autre d'usurper l'Estat, s'aydent les uns les autres à le garder tout entier, à celuy scul auquel il appartient, jusques à ce qu'il soit capable de le couduire luy - mesme. Car personne ne peut respondre de soy, jusqu'où la convoitise de commander souverainement le peut porter, s'il ne l'a essayé: & cét essay, à qui que ce soit : est fort dangereux au Roy & au Royaume. Austi seroit bien à desirer que ces vieux pi-C 3 lottes

lottes de l'Estat, en reprinssent le timon; Que l'on usast de bonne foy en l'observation des Edicts de pacification, & que plusieurs abus fussent reformez, qui de long temps ont vogué parmi nous, & qui, croissans à veue d'œil, menacent cette Monarchie de beaucoup de mal. Mais c'est se tromper, de croire que les moyens, desquels jusques à present se sont servis & servent les Princes mescontents, soient capables de procurer cette reformation; soit qu'on prenne garde à leur intention; soit qu'on pele leur façon de proceder. Leurs deux Traictés de Saincte Menchould & de Loudun, ferone tousjours juger à ceux qui en sçauront les particularitez, qu'ils ont eu leurs interests domestiques en principale recommandation: & beaucoup plus d'envie d'engager à leur soussevement plusieurs personnes, pour favoriser leurs desseins particuliers, que non pas de reformer l'Estat, comme ils disoient; ne de meliorer la condition de ceux, qui s'estoient adjoincts par leurs sollicitations. Car promettans à tous les François, par la convocation des Estats generaux, la restauration universelle

sur le Gouvern, de la Reyne Mere. 55 verselle de toutes choses; ils ne peuvent nier qu'ils n'ayent manifestement brigué dans les Provinces pour faire nommer ceux qu'ils croioient de leur cabale; & ainsi ont violé la liberté, qu'ils promettoient remettre: & donnent exemple, aux disciples de la Reyne Mere, de faire de mesme, & ainsi depuis, croyans que l'accusation qu'ils feroient de quelques personnes, & principalement dudit sieur Mareschal d'Ancre rendroit leur cause plausible au peuple; quelques-uns d'entr'eux, & notamment les Reformez, n'ont pas laissé d'avoir une estroicte intelligence avec ledit sieur Mareschal d'Ancre, pendant la plus grande chaleur de leurs armes. Ainsi à Saince Menchould, & à Loudun, ils se sont accordés avec des conditions, qui ne regardent que leur particulier; sans rien procurer, pour essentiellement advancer le bien public: & s'ils ont manqué à l'Estat, ils n'ont pas moins abuse les Reformez, lesquels, Monsieur le Prince, en salettreà la Reyne Mere, publioit estre interessés. Et quoy qu'à Saincte Menehould, Messieurs du Mayne, & de Bouillon, nommez par mondit sieur

le Prince, pour traicter avec les Commissaires de sa Majesté, sussent sollicités par Monsieur de Rohan, qui leur depesche en poste un sien Secretaire, pour les exhorter à faire paroistre aux. Reformez, que c'estoit à bon escient. qu'on les avoit appellez, & à dessein de leur procurer du bien, le Traicté ne laissa pas de se conclurre, sans qu'ils en. tirassent aucun advantage, & mesme sans qu'on fist aucune mention d'eux. Ils signerent aussi celuy de Loudun,. sans attendre la resolution de l'Assemblée generale des Reformez, qui estoit. pour lors à la Rochelle : Quoy qu'ils fussent obligez sollennellement de ne le faire sans le consentement des uns &. des autres, & passerent plus outre: car ils baillerent une promesse signée de leurs mains, par laquelle ils promettoient de courre sus aux Deputez de ladite Assemblée, si, dans le peu de jours, qu'ils leur prescrivoient, ils n'estoient separez: laquelle promesse Monsieur de la Trimouille & de Bouillon signerent aussi bien que les autres. Ce que le sieur du Plessis-Bellay, Deputé de mondit Sieur de la Trimouille, advoua à Monsseur de Rohan en ladite Affem-

fur le Gouvern. de la Reyne Mere. 57 Assemblée de la Rochelle, auquel, & à Monsieur de Sully, il le presenta à signer: ce que l'un & l'autre resuserent, & sur ce que depuis, à diverses fois, plusieurs Catholiques ont reproché à Monsieur le Prince, qu'apres de si hautes protestations, il s'estoit si facilementaceordé, il a tousjours respondu, que la crainte de l'advancement des Reformez l'y avoit forcé. Et Monsieur de Nevers ne s'est excusé de sejoindre à luy aux derniers mouvements, que sur ce que ceux de la Religion estoient de la partie. Et Monsieur de Mayenne a tousjours protesté, lorsmesme de leur adjonction, laquelle il ne signa point, qu'il ne procureroit jamais leur bien, & cependant quand ils croient en avoir affaire, comme maintenant, ils ne manquent point de promesses, ny de protestations pour les embarquer avec eux.

Voilà quelques tesmoignages que l'intention principale de ces Messieurs ne bute pas principalement au bien de la France, & moins à celuy des Resormez: & Dieu vueille que nous n'ayons point autant de suject de craindre que cy devant, s'ils venoient à bout de leurs

leurs desseins, un transport total de la Monarchie. L'un & l'autre estant grandement prejudiciable à nostre Roy, & attaché de consequence à sa ruine: A leur façon de proceder, les moins severes Censeurs peuvent dire; que c'est une medecine pire que la maladie, pour ne la point nommer tout à fait peste & poison de l'Estat. Car puis qu'ils pretendent remettre sus l'authorité du Roy, & procurer le bien dupeuple; y a-il rien qui face tant de tort à l'un & à l'autre, que les armées, lesquelles ils ont fait tousjours paroistre aussi-tost, que leurs Lettres & Manifestes? y a-il rien qui arrache plus aisement des cœurs des sujets la reverence deuë au Prince, que les accoustumer à prendre les armes contre son nom? Car encore que ces Messieurs, quand ils sont pressés, n'advouent avoir porté les armes contre le Roy : si toutesfois, on parle d'un qui tienne le parti du Roy, ils l'entendent du parti contraire au leur, l'armée du Roy est ainsi nommée par eux, & respondent, vive le Roy. Qui vive, est une asseurée marque d'ennemy. Ce qui n'est pas allegué pour une formelle raison

sur le Gouvern. de la Reyne Mere. 59 raison de la justice, ou injustice des partis: mais pour monstrer que sans une grande extremité, il ne faut permettre une chose, laquelle laisse tousjours au peuple moins de respect de la Majesté Royale, respect, dis-je, qui en est la principale base, & plus asseuré fondement. Et quant au peuple; qui blasme le Gouvernement d'aujourd'huy, qui ne peut apporter tant de maux en 20 ans, qu'une guerre civile en dix jours; puis qu'il est problematique entre quelles mains l'Estat est moins en danger; ou de la Reyne Mere; ou de Monsieur le Prince: quelle cause de le jetter dans un evident malheur, pour une chose qui se peut disputer probablement de pait & d'autre.

Certes si leur puissance est si grande, & le consentement des peuples si unanime en leur faveur, que l'execution peust suivre de bien prés leur proposition, on seroit contraint de l'endurer.
Mais ils ne sont capables que d'irriter les humeurs sans les pouvoir chasser; que de faire une incision, sans bander la playe; que de rendre le Royaume ouvert aux armes estrangeres, sans se soucier qui les en saira sortir: & ainsi

60 Memoires du Duc de Rohan fe chargent des maledictions du peuple, pour les maux qu'ils luy font souffrir, sans leur pouvoir causer aucun bien. Surquoy est remarquable un Arrest du Conseil, extorqué l'année passée par Monsieur le Prince, lequel y presidoit, par lequel ceux, ausquels il avoit fait payer la taille, pendant lesderniers mouvements, furent condamnez par luy-mesme à la payer encore une fois: non sans l'estonnement des assistans, qui n'y avoient aucun interest que l'equité naturelle, & la commiseration. Que si ces Princes estoient en possession du Gouverne-, ment, on pourroit user de mesmes plaintes contre ceux, qui les en voudroient deposseder; & conseiller de patienter, jusques à ce que le Roy aura une entiere & absolue cognoissance de ses affaires, qui le forcera à en choisir le maniement, pour le principal exercice. Aussi auroit-on sujet de se plaindre, si on contraignoit quelcun de prendre les armes, mais la liberté nous est laissée de le faire, ou demeurer en nos maisons, & tous les jours il se refuse des Commissions, & ces

Messieurs - là declarent pour ennemis

quiconque ne se rangera avec eux.

Tout ce que dessus doit faire apprehender aux François la contagion de tels Reformateurs; & leur faire ressouvenir, qu'il ne s'est jamais fait de guerre, en France sous pretexte de bien public, qu'il n'y air eu pour object particulier l'interest de ceux qui l'ont commencée . Et particulierement les Reformez doivent prendre garde à se contenir soubs le benefice des Edicts faicts en leur-faveur ; avoir l'œilà leurs places de seureté; s'unir plus que jamais, entr'eux, sous le nom & authorité du Roy: auquel ils seront en cette posture, plus capables de rendre un jour de grands services, & peutestre de luy conserver sa Couronnes Que s'ils se joignent à ceux qui par cy- devant les ont trompez, & qui ne mandient leur assistance que pour advancer leurs propres affaires, ils se perdront & ruineront eux-mesmes. Cependant remettons l'evenement à Dieu, invoquons-le continuellement pour la conservation, prosperité, & longue vie du Roy, pour le bien de son Estat, & affermissement de sa Couronne, Amen.

## DISCOURS VI.

Libre Discours sur le temps present 1617.

TE sçay assés que l'humeur de l'hom-me est de souhaitter ce qu'il n'a point, & se desplaire de ce qu'il possede. Du temps de Henry le Grand chacun se plaignoit d'un Gouvernement avaritieux: mais personne n'osoit bransler. Apres sa mort on a veu remedier à telles plaintes par la liberalité. Mais parce que le nombre de ceux, qui n'en ont profité, surpasse de beaucoup les autres, & que l'envie est un vice fort commun; le regne passé a esté regretté, & les grands dons, & pensions departies aux Grands; leur donne hardiesse de sortir de leur devoir, au lieu de les y maintenir. On trouve maintenant mauvais, que les seuls moyens qui restent pour reprimer un chacun, soient emploiés.

Ces choses si diverses; me passans par l'esprit, m'ont donné envie de considerer tels changements, les fautes qu'on a peu faire, d'où elles ont peu

provenir, & le moyen d'y pourvoir. La vertu deHenry le Grand, son authorite, l'abbaissement qu'il avoit fait des Grands de son Royaume, ses thresors &: Arsenaux bien garnis, le rendoient redoutable, & nul n'osoit songer à troubler son repos. Sa mort inopinée a laissé le Roy en l'aage de 9 ans & encore que,. sans contestation, la Regence soit tombée és mains de la Reyne sa Mere, ce n'a esté sans desplaisir de Messieurs les. Princes du Sang, qui y pretendoient. Les Conseils qui prevalurent lors, furent de contrecarrer, par d'autres Grands, le pouvoir qu'ils se vouloient acquerir dans la Cour; & maintenir ces deux Puissances si egales, qu'au milieu d'elles l'authorité Royale, possedée par la Reyne Mere, eust ses son-Aions libres; d'appaiser les mescontentemens des uns & des autres; par la profusion des Finances des Arsenaux, des Charges, & Gouvernemens: Pour le premier Conseil je confesse qu'il. estoit aussy bon, que je confesse & maintiens le second mauvais : Car si par ces moyens on a reculé le mal de dix années, il a esté rendu comme insurable, C'est une chose certaine qu'en . sout

servir le Roy, qu'ils en ont plus de moyen. Je sçay que ceux qui ont l'esprit bien reglé, jugent que leur grandeur est celle de leur Roy : & plus heureux & asseurez sont les Grands, sous un grand Roy, que sous ces petits Souverains qui apprehendent tout, & n'osent parler, & s'estimer de peur d'esmouvoir la France ou l'Espagne. Mais je parle contre ceux qui veulent contraindre, & non par service, leur Majesté, de leur faire du bien, & qui se servent de ce qu'ils ont acquis par de mauvais moyens, à s'accroistre tousjours. Certes à telles gens, tant plus yous leur en donnez, tant plus vous leur augmentez le moyen de vous nuire. Il vaut beaucoup mieux prendre la resolution de distinguer par le salaire, & la peine, les bons des mauvais, afin de donner courage aux uns & terreur aux autres, que de continuer à faire le contraire, en recompensant les mauvais & abandonnant les bons: Car l'impunité ouvre la porte à la licence, & la mescognoissance jette au desespoir.

Le jugement que je say de tel Conseil, plein de liberté & de puissance, me fait soupconner que les autheurs d'iceluy le donnoient, pour se rendre plus long temps necessaires, & que leur interest particulier qui est un doceur fort persuasif, les destournoit de donner les Conseils-necessaires pour maintenir l'authorité Royale, & la splendeur qu'ils y avoient trouvée.

Maintenant je vay prendre un chemin, qui me donne une bonne espe-rance d'un bon r'establissement aux affaires de cet Estat. C'est à quoy il faut travailler avec vigueur, & d'autant plus courageusement, que la besogne est difficile, & par consequent honorable. Il faut prendre une si ferme resolution, que, ny les bruits, ny les artifices, dont on se sert pour nous estonner, ne la facent jamais changer, quelques accidens qui puissent arriver; lesquels pourront estretels; que pour y remedier, il faudra quelquesfois differer; mais non jamais quitter son dessein. Carla perseverance, jointe avec l'authorité Royale, renversera aisement tous ces artifices: sur tout en un temps, où peu de gens possedent cette vertu. Je confesse bien qu'une telle resolution ne se doit prendre, qu'avec grande raifon,

son. C'est pourquoy il faut particulariser l'Estat de nostre France, & y considerer toutes choses:

J'y remarque premierement deux Religions, l'une beaucoup plus puissante, & qui a donné une Loy à l'autre, & qui voudroit tous jours estre seule: & l'autre tous jours en soupçon d'estre attaquée; & qui toute sois ne se peuvent ruiner, que par la ruine de l'Estat. Henry le Grand, qui le jugeoit ainsi, maintenoit chacun en ses bonnes graces, & ne vouloit à l'appetit des uns & des autres prejudicier à sa grandeur.

La force d'un Royaume consiste en un Roy & en ses Alliances, non de Sang, mais d'interest. La France & l'Espagne, sont les deux puissances, sous lesquelles les autres se maintiennent toutes, & qui s'empeschent l'une à l'autre la superiorité entiere. L'interest des Protestans est de maintenir la grandeur de la France, comme aussi de beaucoup d'Estats Catholiques Romains. C'est une maxime d'Estat au Roy de France, de ne se monstrer pas animé contre ses sujects de la Religion, asin que les Protestans ne se jettent en la protection d'Angleterre. Il ne faut

pas aussi qu'il se monstre tellement leur partisan, qu'il donne soupçon aux Catholiques, qui sont le plus grand corps de son Estat: mais monstrant une Justice, à leur garder leurs Edicts & une siance en se servant d'eux. Il n'y a que les ennemis de sa grandeur, qui puis-

sent improuver telle procedure.

Des Religions, je passe aux mescontens, le nombre desquels est tousjours tres - grand : pource que l'esprit de l'homme est tousjours insatiable, presomptueux, & envieux, qui bien souvent se fasche plus du bien & des honneurs que son compagnon possede, que de ce qu'il n'en joiit pas. Mais c'est selon la force, ou foiblesse de l'Estat, qu'ils se font plus ou moins paroistre. Ceux qui maintenant se declarent contre l'authorité Royale, foit d'une ou d'autre Réligion, crient contre ceux qui gouvernent; pource que ce n'est eux; accusent leur Majesté, si ce n'est de perfidie, au moins de sottise; & se laissans conduire aux appetits d'autruy, se prenent à la pierre, n'osans attacquer le bras qui la jette, & ensevelissent, autant qu'ils peuvent; le pernicieux dessein qu'ils avoient, d'empieter

pieter l'authorité Royale, & se rendre Maistre de leursdictes Majestez mesmes. Ceux aussi, pour la pluspart, qui servent le Roy, veulent faire à leur mode, & non à la sienne. Chacun veut avoir le commandement d'une armée, & d'une Province, sans regarder s'il en est digne : mais seulement si son voisin, ou son egal est pour veu de quelque Charge; sinon, il est mescontent, il veut mettre le pied sur la gorge de son Maistre. Certes s'ils en estoient creus, nous nous verrions au lieu d'armées des monstres, il y auroit plus de Chefs que de soldats. J'advouë que tel desordre est intolerable, & que telles gens sont, presqu'autant ennemis du Roy, que ceux qui sont declarez criminels de Lese - Majesté. D'autres font agir la conscience, remonstrent qu'il seroit meilleur pour le bien de toute la Chrestienté, de contenter tous les Princes Catholiques, pour faire la guerre aux Reformez: qui seroit un Conseil pour eterniser la guerre civile en France, & luy faire perdre ses plus asseurées & puissantes Alliances.

Ceux qui parmi les Reformez veulent brouiller, alleguent qu'on ne s'ar-

restera

restera à la ruine des Princes qu'on atraque maintenant. Que si on les laisse on se jettera sur nous; Que le Conseil du Roy depend de Rome & d'Espagne: dont l'un travaille incessamment à nostre ruine particuliere; & l'autre à la generale de l'Estat de France; Que les inexecutions de nos Edicts le monstrent clairement: & encore que ce soit par divers moyens, & pour divers interests, tous les mescontens, soit d'une ou d'autre Religion, s'accordent tous à desirer le changement du Gouvernement present de l'Estat.

Maintenant, pour venir aux remedes, il est difficile de les particulariser, pour les diverses humeurs d'un chacun . Seulement je me contenteray de remarquer, les principaux en leurs interests. Il y a deux sortes de mescontens; les descouverts; & les couverts. Les premiers ne se peuvent r'amener à leur devoir; que par la force. Les autres, ce sont gens qui ne se declarent de nul costé, & ne se voudroient rendre considerables par un tiers parti. Ils peuvent beaucoup incommoder les affaires du Roy, par telles diversions, qu'ils feroient d'hommes & d'argent. Toutefois il faut employer contre cux des moyens plus doux que la force.

On peut reduire sous quatre poincts tous les sujects necessaires au bien de cét Estat. Le premier, & le plus puissant, est de faire obeir le Roy par ces Princes armez contre luy: à cela le grand chemin est ouvert. Le meilleur artifice, est de n'en avoir point: mais seulemet avoir grad soin de mettre sur pied les armées necessaires; à bien choisir ceux qu'on employe; à bien pourvoir au payement des gens de guerre, & à leur nourriture. Le second depend en gros de l'observation de nos Edicts; & en particulier de prendre soin d'oster les difficultés qu'on nous veut donner. Ce qui se peut saire, en faisant bien payer nos garnisons & Ministres; en faisant executer par effect ce que de parole on nous advouë estre necessaire; en r'envoyant des Commissaires dans les Provinces, & ayans soin d'escrire aux Principaux d'icelles de temps en temps, ce qui sert plus qu'on ne s'imagine. Le troisseme doit estre tout plein d'artifices envers tous ceux, qui ne se declarans point, peuvent le plus embarrasser dans les Provinces. Messieurs d Esper-

Discours du Duc de Rohan d'Espernon, de Sully, & d'Esdiguieres par divers moyens, & ayans plusieurs buts aussi. Il faut à chacun d'eux un remede particulier: & leur faire voir, comme chacun d'eux veut faire sa condition à la Cour separement. Monsieur d'Espernon ne peut supporter le Gouvernement present; pource qu'il ne gouverne pas. Il veut le Gouvernement de Guyenne, & la Charge de Connestable de France: n'y ayant peu parvenir par faveur, il veut l'emporter de force. Il fait prosession d'estre zelé au service du Roy, syndique les Catholigeus, ennemy de Monsieur le Prince, de Monsieur de Bouillon, & de tous les autres mescontens: & toutefois il desire le Gouvernement du Roy, veut vivre avec les Reformez, veut del vrer Monsieur le Prince & les autres. Je laisse à juger, par tels changemens, la fiance que les uns & les autres y peuvent prendre. Si on luy donne la Guyenne, c'est le moyen de pouvoir estre Connestable: apres quoy, il voudroit aussi estre tyran du Roy, &

de son Royaume; comme il l'est desja de ses Gouvernements. Voicy comme

il travaille; maintenant qu'il asseure

le Roy de toute fidelité, il asseure Madame la Princesse de tout service, pour la delivrance de Monsieur le Prince, & entretient correspondance avectous les autres Princes armez. Pour Monsieur de Sully, il est tout porté au bien de l'Estat: il est tout ennuyé du mauvais trai-Etement qu'il reçoit : il desire d'estre recognu, se fasche d'estre mesprisé. Mais il ne se portera sans grandes extremitez, contre le nom du Roy. Quant à Monsieur le Mareschal d'Esdiguieres, il est puissant dans son Gouvernement, sage &qui veut estre consideré avec pouvoir & authorité: mais il n'est nullement defraisonnable. Le premier est plus difficile à contenter; parce que l'humilité l'orguellit, la douceur l'aigrit & la tolerance l'encourage. Il faut pourtant l'amuser de belles paroles, jusques à la prinse de Soissons : car le succés de ce siege faira changer de langage à tout letiers parti pretendu. Le second par un traictement mediocre, peut non seulement estre retenu, mais austy emploié où il est, à retenir avec puissance tous les Reformez de s'eschapper. Et le dernier, par les mesmes moyens, se peut retenir infailliblement. Son aage,

d

l'an-

l'antipathie qu'il a avec Messieurs de Bouillon & d'Espernon, & le mauvais traictement qu'il a receu du parti de Monsseur le Prince, sont des moyens tres - puissans à le retenir. Et quand aucune de ces negotiations ne reuffiroit, le Roy a la paix & la guerre en la main, pour la faire à qui il luy plaist, & separement. Car tous les Princes, qui ont les armes en la main, s'accommoderont sans doute avec luy, quand il voudra attaquer Monsieur d'Espernon, ou quelqu'autre qui voudra faire le fol. Tous tant qu'ils sont, combattent avec grand desadvantage, n'ayans aucun Chef recognu, estans en perpetuelle deffiance les uns contre les autres, travaillans tous pour leurs interests particuliers, & contre celuy du Roy, qui peut, quand il luy plaist, les desjoindre, par la condition qu'il faira, quand bon luy semblera. Reste le dernier poinct, qui entretiendra leurs meffiances, & les faira detester dedans & dehors le Royaume. C'est qu'il faut bien particulierement monstrer le dessein, qu'ils ont eu depuis la mort du feu Roy, de brouiller à toute heure, pour en profiter;

sur le suject des divis. de Hollande. 75 monstrer leurs liaisons, leurs trahisons, leurs pretentions: comme quoy ils ont trompé les Reformez: comme quoy une partie s'accommodoit, pour faire sa paix aux despens des autres: comme quoy en leurs Traictés ils n'ont songé au bien public: quelles submissions ils one tous faites à celuy contre lequel ils crient: quelle amitié ils luy ont jurée: quelle fidelité ils luy ont portée; afin que chacun recognoisse de quel esprit ils sont poussés: & comme la haine, & l'ambition; & non l'amour de la patrie & le service du Roy les a possedez. Si on travaille puissamment au premier moyen, & qu'on ne neglige point les trois autres; j'espere de voit le Roy dans six mois du tout absolu; guerres civiles entierement finies; & le chemin ouvert à la gloire & grandeur du Roy, & de son Royaume.

### DISCOURS VII.

Sur le sujet des divisions de Hollande

Es Estats & Republiques ne se forment jamais tout d'un coup, & or dinairement establissent de meilleud 2 res

Le Roy d'Espagne, ayant experimenté, par cette longue suite d'anmées.

nacent durant icelle.

a besoin de quelque nouveau moyen, pour pourvoir aux maux qui les me-

sur le suject des divis. de Hollande. 77 nées, qu'il ne les pouvoit ruiner par la force ouverte, s'est resolu de les perdre par division. A quoy la douceur de la paix, & l'oisiveté qui endort le plus souvent les gens de bien, luy a donné matiere de resveiller ses esprits inquiets, & qui par mescontentement, ennuy, on ambition, ne peuvent se contenter de leur condition. D'autres divisions que de celles de la Religion eussent esté suspectes : & d'autant que celle - là est plus advantageuse, comme procedante d'un suject qui a un absolu commandement sur les actions des hommes il s'est resolu de le tenter. Ce qui se peut justifier par les escrits & Conseils, qu'on void en avoir esté donnez depuis dix ans, & sur les mesmes poincts qui sont maintenant en debat. A quoy il a travaillé si puissamment, que nous voyons ce bel Estat, que les armes n'ont peu esbranler, estre sur le panchant de sa ruine, si promptement il n'y est pourveu. Ce que je croy encore faisable, pourveu qu'és resolutions qu'on y prendra la fermeté soit en execution. Jusques icy toutes les Assemblées, qui se sont faictes, soit particulieres . d 3

lieres, ou generales, n'ont peu servir; d'autant que la constitution du Gouvernement de cét Estat est telle, qu'aux resolutions de tous les Estats ensemble, les Provinces particulieres n'y acquiescent pas : ny mesme aux resolutions des Provinces particulieres; les Villes d'icelles n'y obeissent pas: pource qu'ils pretendent que leur Republique est composée d'autant de Souverainetez, qu'il y ade Villes; & ont jusques icy subsisté comme cela; d'autant qu'il ne s'est fait aucune rencontre d'importance, jusqu'à present, qui peust chocquer cet ordre : s'estans tousjours bien accordés pour la necessité de leur conservation. Mais aujourd'huy que le mal est tel, que dans cét ordre, qui veritablement est incogneu aux siecles passés, le remede ne s'y peuttrouver; Est-il possible qu'on souffre que l'opiniastreté de quelques membres face mourir tout le corps, & que le corps soit si foible qu'il ne puisse regler les membres? A le dire franchement, il me semble que c'est un grand amour de soy, & presomption, d'estimer ses opinions jusques-là que pour les establir & leur donner creance, il faille

fur le suject des divis. de Hollande. 79 faille renverser une paix publique, & donner le bransle à un Estat, dans lequel nous vivons.

Pour y remedier, je voy l'ordre qu'il y faut tenir. Je trouve tres à propos qu'on essaye d'accommoder les divisions en Hollande, sur le faict de la Religion par l'Assemblée de la Hollande seule, s'il y a moyen; asin de se tenir plus que faire se pourra dans l'ordre ancien; comme aussi user de mesine procedure és autres Provinces, & tascher de pareille saçon de les accommoder.

Mais si ce moyen manque, il saut par necessi é venir à s'ayder d'un Synode National, auquel quand il manque-roit des Villes de quelques Provinces, il ne saut laisser de le tenir: & les resolutions qui s'y prendront, les soub-mettre au Conseil des Estats generaux: lequel, en si important affaire, doit prier ses voisins & bons Alliez de l'assister, par leurs Ambassadeurs de leurs bons advis; asin de les engager à appuyer les resolutions qu'ils prendront; lesquelles ils leur doivent communiquer, comme aussi à toutes leurs Villes & gens de guerre: & m'asseure que

d 4

cette

cette procedure en r'amenera beaucoup: sur tout si telles resolutions sont moderées,

Apres cela, je croy que les Estats se doivent porter à faire obeir ceux qui demeurent en leur opiniastreté: & si Dieu leur fait la grace de venir à bout d'un tel dessein, ils tireront de ce mal

un tres-grand bien.

Quant à ce qui se doit faire audit Synode, il est tres-necessaire d'establir une discipline dans l'Eglise pour empescher qu'à l'advenir, chacun particulier ne puisse faire une sortie à sa volonté: laquelle il faut tellement limiter & restraindre, qu'elle ne puisse en aucune sorte prejudicier à l'authorité des Estats. Ce qui se peut saire en deffendant aux Synodes, & Assemblées Ecclesiastiques de ne se messer que d'affaires qui concernent la Religion, & qu'ils ne tienent jamais aucunes desdietes Assemblées, qu'il n'y assiste des Magistrats pour voir ce qui s'y deliberera.

Je voudrois aussi donner ordre qu'aucun Ministre ne peust estre receu à l'advenir qui fust entaché de doctrine que le Synode condamnera: & que

pour

pour le present il sust enjoin à ceux, qui prescheroient, qu'ils ne touchassent en aucune saçon en leurs Predications, les doctrines qui sont en contention. Sur tout il saut s'efforcer de saire ensemble communier tout le monde; pource qu'en ce poin à là, qui est le sondement de nostre Salut, infiniment essicacieux pour nous unir, il n'y a aucune diversité d'opinions, à ce que je peux apprendre.

#### DISCOURS VIII.

Raisons de la paix faicte devant Montpelier 1622.

A juste douleur que je reçois, de voir tous les jours mes bonnes intentions blasmées, & mes meilleures actions calomniées, me contraignent, pour mon honneur, & pour destromper les credules, à dessendre la plus juste de mes actions, & la plus utile à ceux de nostre Religion, qui est d'avoir procuré la paix generale à ce Royaume: en laquelle j'espere faire; cognoistre la necessié qu'il y avoit de la conclurre, & que j'y ay apporté tou-

tes les precautions, qui s'y pouvoient requerir, & obtenir de son Roy victorieux & puissant. Mais avant que d'entrer en ce discours, il faut remarquer que mes principaux Censeurs, ont esté ceux qui ont eu les bras croisez durant la guerre, & qui, sous la douceur d'une declaration, ont jouy paisiblement de leurs biens, tandis qu'au peril de nos vies, nous les avons affermis en leur repos: & qu'entre iceux les plus eschauffez à me calomnier, sont ceux qui gaignez de la Cour, retenoient, sous fausses esperances, la bonne volonté de ceux qui nous vouloient affister, & qui ont fait les allées & venues, pour destourner le secours, que nous pouvions esperer. L'envie est un vice lasche en soy, & neantmoins assés cognu parmi les hommes. Laissans la seule cause de la guerre qu'ils ont esmeue par leur desreglée ambition, & qu'ils n'ont peu empescher par leur defection, ils blasment aujourd'huy ceux qui n'ont obmis aucune chose pour l'empescher, & qui n'y sont entrez par esperance d'y profiter, veu que du premier jour ils ont tout perdu: ny pour acquerir de la gloire, se jettant dans un parti

parti vendu & livré: mais seulement pour chercher, avec les gens de bien, une mort heureuse, mourans pour Christ; ou une delivrance inesperée, qui ne pouvoit arriver que par la seule main de Dieu.

Je n'ay que faire de nommer celuy qui a fait convoquer à contre-temps l'Assemblée generale; qui, convoquée, l'a faict affermir à la subsistance; qui, affermie, l'a trahie, & qui, apres son Traicté à la Cour, n'a laisse de contrepointer la Ville de la Rochelle, contre l'Assemblée. Car on sçait assés qui estoit le Deputé General en ce temps-là.

Il est inutile de dire que les interests de Monsieur de la Force, & les desirs de Monsieur de Chastillon ont fort aidé à faire affermir ladite Assemblée à ne se separtisans l'ont assés fait cognoistre, & se suls l'ont empesché: & toutesois le premier n'a perseveré jusques à la fin; ains a fait son Traicté particulier: & l'autre, durant la guerre n'a cessé de nous nuire couvertement, & les armes à la main quand l'autre voye luy a manqué: & toutesois nous avions tous juré solennellement, par nos Deputez, de de

84 Discours du Duc de Rohan

de n'entendre à aucun Traisté particulier, & de ne faire aucun accommodement sans le consentement de l'As-

semblée genérale.

Si par leur conduicte un chacun d'eux s'est acquis un baston de Mareschal de France, & par la mienne j'ay perdu mes Gouvernemens, je n'envie point leur bon-heur: j'advouë qu'ils sont plus prudens que moy. Mon dessein n'est icy de blasmer personne: mais seulement de repousser, par la force de la verité, les blasmes qu'on m'impute, & faire voir clairement la necessité de faire la paix : n'ayant rien oublié, depuis le commencement de la guerre, jusqu'à la fin, d'y procurer les advantages du parti, que je souhaittois soustenir. Car nostre guerre n'estant qu'une juste dessence de la liberté de nos consciences, & seureté de nos personnes, sous le benefice de nos Edicts de pacification, concedés par nos Roys, nous estions obligez d'embrasser toutes les occasions, qui ponvoient induire le Roy à nous donner la paix.

La premiere fois, durant le siege de Montauban, où l'Ambassadeur extraordinaire d'Angleterre, venu exprés

pour cela m'envoya son Secretaire plusieurs fois, pour m'y induire: lequel r'envoyant du commencement à l'Assemblée generale, enfin il me presse tellement sur l'apprehension de la perte de Montauban, que je consentis à voir Monsieur le Connessable de Luynes: mais sans fruict, pource que l'esperance qu'on luy donna de prendre promptement Montauban, le fit tenir ferme à ne comprendre dans la paix, ny Montauban, s'il ne souffroit une Citadelle, ny la Rochelle. Ayant donc rompu sur le premier poinct; à sçavoir sur la paix generale, les difficultez de prendre Montauban s'augmentans, par le secours que je luy avois donné, ledit Connestable me convie à une seconde Conference, je la refuse: il ne laisse de renouer le Traicté; je demande permission d'envoyer vers l'Assemblée generale, pour traicter & conclurre la paix, Je l'obtiens: mais ledit Connestable meurt là dessus; & ceux qui se trouvent dans les affaires, se joignent à Monsieur le Prince, qui s'approche du Roy, & changent tellement le dessein de la paix, qu'au lieu de trouver bon le pouvoir d 7

que ladite Assemblée m'avoit donné d'en traicter, & que j'avois recherché, on me l'impute à crime, comme vou-

lant faire le Chef du parti.

Cette occasion ayant manqué, & me voyant en main le pouvoir de ladicte Assemblée generale, j'en renouë plus asseurement un autre avec Monsieur le Duc d'Esdiguieres, maintenant Connestable de France, qui eut permission du Roy d'en traicter avec moy. Nous nous vismes & convinsmes presque de tout : toutesois remettans la conclusion dudict Traiché aupres du Roy, vers lequel je deputay, comme aussy les Provinces qui estoient soubs moy. Et en mesme temps mondit Sieur le Connestable & moy deputasmes vers Messieurs de Bouillon, Sully, de la Trimouille, & de la Force; comme aussi vers l'Assemblée generale & vers mon frere, afin que tous deputassent vers le Roy, & que là ils achevassent de conclurre ; leur mandant que nos Deputez n'avoient nulle charge que de resoudre avec eux, à ce qu'ils y trouvassent le contentement public & particulier.

Monsieur le Prince voyant ache-

miner

miner cette affaire contre son dessein. precipite le partement du Roy: afin que par l'absence de Monsseur le Chancelier & de Monsieur le President Jannin, qui demeuroità Paris, il peust rompre plus aisement ledict Traicté; & le mene vers le Poictou où les exploits de mon frere leur donnoient une grande jalousie. Mais nos Deputez ne peurent arriver aupres du Roy, qu'apres la desroute de Riez la trahison du Baron de Sainet Surin pour Royen & l'ouverture du Traicté particulier de Monsieur de la Force : ce qui rompit tout à fait le general; & fit resoudre le Roy de r'envoier nos Deputez sans les voir, & de suivre sa poincte en Languedoc, où les esperances de Monsieur de Chastillon l'attiroient.

Apres tant de malheurs arrivez à nostre dessein, le Roy s'achemine en Guienne, y conclud le Traicté de Monfieur de la Force, & autres de ce Païslà; & n'ayant pour le present aucune jalousie en nul endroict de son Royaume, qu'en Languedoc, il y passe avec toutes ses forces. Je n'oublie ny soin, ny diligence, ny industrie, pour relever

lever les cœurs abbattus, & reunir les divers sentimens. Car l'approche d'un tel orage esbranloit les plus fermes : & si la grandeur du peril agitoit diversement les esprits d'un chacun, & l'amour du bien public cedoit bien souvent à la crainte particuliere, les mauvailes cabales qu'on avoir formées dans nos Communautés se relevoient. Et d'où j'estois absent, là se faisoient les grandes offres. Je me porte d'une Province en l'autre, selon le besoin qu'elles en avoient. Je ne neglige les ouvertures qu'on me fit d'un secours estranger: car je donne pouvoir, comme on me le mandoit, d'obliger tout mon bien pour porter ma portion des frais de la levée, & conduicte du secours. Et mesme oblige, pour leursdictes portions, les Provinces qui estoient soubs ma charge. Je pourveu assés bien Montpelier de bled, nonobstant le degast qui y fut faict par Monsieur de Montmorency: & sans le grand soin que je pris, je l'ose dire sans vanterie, il n'y eust eu ny moulins à faire farine, ny pouldre ny mesche ny autres choses necessaires à foustenir un siege. Si j'euste esté creu, six mois

mois devant on eust desmantelé Lunel, Maugir, Marseillargues & Aymargue, en fortisiant bien Montpelier, Nismes, Uzez & Sommieres, pour la commodité des Sevenes; Nous avions des hommes assés sussissant pour faire une gaillarde resistance: Mais l'imprevoiance des peuples, & l'interest particulier des Gouverneurs des places sit rejetter mon advis: dont depuis il se sont bien repentis.

On ne me peut accuser que les huich Regiments destinez pour Montpelier n'y peulsent entrer aussy facilement que celuy de Sainet Cosme, & de quelques autres, car tous les Mestres de Camp eurent leur commission, & leur argent en mesme temps. Ce n'a nullement esté ma faute, si apres le manquement desdicts Mestres de Camp, 1260 hommes des Sevenes ne sont entrez dans Montpelier, puis que le Capitaine Mestre eut mon commandement; & qu'apres le refus que lesdicts soldats firent de le suivre, il y entra sans aucune mauvaise rencontre avec quinze hommes seulement.

Voilà donc Montpelier assiegé: où je croy avoir sait humainement, tout

ce qui se pouvoit saire, pour le sortisier, & munir de soldats, & de munitions de guerre & de bouche. Je ne
m'arrestay là que cinq sepmaines durant: je sy tous mes essorts à lever 4000
hommes de guerre pour tenter d'y
jetter un secours, avant que Monsieur
le Connestable, & Monsieur de Vendosme joignissent l'armée du Roy:
Mais ce sut en vain; & je diray qu'il me
fut impossible de les mettre ensemble,
qu'à condition pour la pluspart de ne
les ensemer dedans Montpelier.

J'ay esprouvé quil y a grande difference és resolutions, qui se prenent dans le tumulte & l'execution d'icelles. Car Nismes, qui escrivoit tous les jours à Montpelier qu'elle fourniroit 1000 hommes armez de leur ville pour leur secours, ne m'en fit donner que 42. Ce n'est pas tout d'avoir mis les troupes ensemble; il les falloit nourrir: des Sevenes, je n'en peutirer de bled : car ce n'est pas un Païs à celà, & qui n'avoit dequoy se nourrir pour lors. Pour Nismes, qui estoit nostre seul grenier, il se faschoit de m'en donner, & m'en accorda pour huist jours seulement; durant lesquels ils

ils m'avoient prescript de jetter mon secours dedans Montpelier: encores y avoit-il huict lieuës, pour le porter dedans mon camp: avec 200 chevaux on pouvoit facilement couper les vivres. Toutes les Communautés estoient tentées de traicter en particulier: celle des Sevenes me sollicitoit à la paix, & me faisoit cognoistre qu'elle ne vouloit se perdre: tout le peuple estoit las de la guerre, & impuissant de la continuer; il ne restoit pas de fourage, pour nourrir huict jours ma Cavallerie, qui consistoit en 200 Maistres seulement : il falloit ou les licentier, ou les envoyer au haut Languedoc, & par consequent les perdre. L'esperance de la venue de Mansfeld estoit tout à fait perduë, par son passage en Hollande; ce qui avoit beaucoup nuit: car l'armée destinée pour son passage venoit d'abondant au Roy, & estoient desja à Zion. L'instance d'Angleterre consistoit en des lettres que le Roy m'escrivoit, par lesquelles il me conseilloit sur tout de faire la paix, me confiant entierement en la parole de mon Roy, & me mandant que je considerasse les affaires de son gendre; & qu'il luy estoit impossible

92 Discours du Duc de Rohan

ble de nous assister. J'adjouste à tout cela que, sans miracle, Montpelser ne se pouvoit secourir d'une troupe capable, & se sauver: pource qu'il estoit remply de traistres; Qu'il me falloit partir de loing, & avoir en croupe, trois lieuës durant, 2000 chevaux.

Maintenant que les personnes, exemptes de toute preoccupation, jugent en quelle necessité j'estois de faire la paix generale; & s'il m'estoit possible en disputant les advantages d'icelle', sans la ruiner. Car il me falloit à jour nommé hazarder le secours, qui estoit le jetter à la boucherie: ou voir mes troupes dissippées, la demolition de la moitié des fortifications, & l'entrée du Roy à Montpelier seulement; fans lesquelles conditions je ne pouvois obtenir la paix generale. Mais toutes les precautions, qu'un parti tres - foible a peu requerir à un puissant, & un suject, à son Roy, je les ay obtenues: & telles que siceux de Montpelier les eussent tous voulu recevoir, je voy qu'ils seroient en liberté. Car outre le brevet, qu'ils ont bien clair, & sans ambiguité, Monssieur de Chevreuse, & Monsieur le Mareschal de Cresqui estoient

estoient donnez en ostages, pour les tenir en quelque lieu seur, tandis que le Roy seroit dans Montpelier: Surquoy ceux de ladite Ville me dirent, qu'ils ne les vouloient prendre, pource que sa Majesté les feroit tousjours rendre, en prenant de leurs habitans; & qu'ils pensoient que leur presence leur apporteroient plus de bien que leur absence.

Pour le second poince, je respon que c'est chose estrange, que mes ennemis declarez ne se soient advisez d'une telle calomnie; & qu'il faille que ceux qui sont profession d'une mesme Religion que moy, essayent de persuader ce que nos ennemis destruisent par leurs actions; & les artifices & violences que Monsieur de Vallencé exerce dans Montpelier depuis un an, pour les faire departir de leur brevet, & de consentir une Citadelle, seroientils pas bien inutils, si on y avoit sait particulierement ma convention qui desrogeast au brevet?

Reste le troissessme aussi absurd que les autres: à quoy je respon que les gens de guerre estans nommez par moy, & leur donnant des Chefs tels

qu'il me plaisoit, mon authorité eust esté d'autant plus absoluë dans Montpelier', que j'eusse tousjours fait ma condition particuliere, abandonnant le general, plus advantageuse, que je ne me la suis procurée. Je sçay que mes plus rudes Censeurs advouent que la paix estoit necessaire & bonne, pourveu qu'elle soit observée : comme si j'avois changé quelque chose en l'Edict; & s'ils ne l'ont pas tel que le feu Roy l'a baillé; & si je suis cause qu'il soit maintenant plus mal observé, qu'il estoit en ce temps-là.

Mais ils m'accusent de n'avoir prins les seuretez requises, ny voulu secourir Montpelier, pour la contraindre à consentir la paix, que j'avois faite; Que le brevet de la Ville de Montpelier n'estoit obtenu, que pour les tromper, & que j'avois convenu avec le Roy par Articles particuliers, que la garnison y demeureroit à perpetuité: & que j'avois fait resister Lunel, & Maugir, Marsillargues & Sommieres, pour amuser & perdre les soldats: afin que Montpelier s'en trouvast despourveu. Lesquelles choses, si elles sont vrayes, elles me condamnent d'estre le plus

grand de tous nos traistres, & le plus mal-habile, pource que ce n'estoit le moyen de trouver condition supportable nypour le general ny pour le particulier. Mais outre ce que j'ay dit cydessus, je monstre que les accusations ne sont pas seulement vray-semblables. Car si je n'ay failly qu'aux seuretez, je respon, que jusqu'à l'extremité j'ay resisté aux deux poincts principaux: à sçavoir à la demolition des nouvelles Fortifications; & à l'entrée du Roy dans nos Villes. Mais voyant mes affaires empirer par le retardement de la paix, j'ay esté contraint de ne les laisser deperir davantage.

Je ne m'amuseray beaucoup à resuter le reproche qu'on me sait, que le soin d'asseurer mon interest particulier me sit relascher en celuy du general: pource que tout le cours de ma vie, & mesine cette derniere action de la paix, sait voir le contraire, n'estant encore satisfait de l'indemnité de mes Gouvernemens; où je n'ay apporté de plus grandes precautions qu'aux asfaires publiques. Mais je ne trouve estrange que ceux, qui pour la dessence de nostre Religion, n'ont osé hazar96 Discours du Duc de Roban

der leurs biens, jugent l'humeur d'autruy par la leur. Mes actions, depuis la paix jusqu'à present, font assés cognoistre, à qui les veut considerer, ma sincerité. Je n'ay espargné aucuné peine pour l'affermissement d'icelle. J'ay souffert la prison. J'ay escrit & parlé au Roy avec hardiesse, pour luy representer le notable prejudice, qu'il fait à son honneur & service, en souffrant les infractions de la paix. Mais les persecutions, ny les calomnies des nostres ne me divertiront jamais de la ferme resolution, que Dieu m'a donnée, de m'emploier tout entier au bien de son service.

Je somme maintenant mes Censeurs à me monstrer le chemin de bien saire. Je promets de les mieux seconder, qu'ils ne m'ont assissé; & que sans me souvenir des choses passées, j'embrasseray tousjours d'un franc cœur la causée de Dieu, & reputeray à gloire de soussir pour son nom.

#### DISCOURS IX.

Apologie du Duc de Rohan sur les derniers troubles de la France, à cause de la Religion.

C'Est un labeur bieningrat de ser-vir au public, sur tout un parti foible, & volontaire: car si chacun n'y rencontre ce qu'il s'est proposé: tous ensemble crient contre leurs conducteurs. C'est ce que j'esprouve maintenant. Je suis blasmé par les peuples, n'ayans le soulagement qu'ils attendoient, poussez à cela, principalement par les faux freres, qui, pour se faire valoir dans le parti contraire, prenent à tasche de me publier ce qu'ils sont: comme austy par nos pacifiques, qui, d'un ton zelé, deplorans nos miseres, en rejettent la faute sur ceux, à leur dire, qui ont precipité les affaires, & apres les ont perduës. J'excuse volontiers un pauvre peuple ignorant, qui dans leurs grandes souffrances, jugeans des choses plustost par les evenements, que par la raison, s'en prend à ce qu'il rencontre devant luy;

semblables en cela aux bestes brutes. qui mordent le dard qui les blesse, & non le bras qui le lance. Mais je ne le puis pardonner aux hommes de raison, & instruicts aux affaires du monde, qui voient tous les jours, comme les desseins les mieux conceus ne reussissent pas infailliblement, ny tous jours ne succombent les mal entreprins. La Ville seule de la Rochelle nous fournit, à mon grand regret, un exemple notable sur cela. Son premier siege arriva apres le massacre, & la dissipation de son parti, estant foible de Fortisications; reduicte aux derniers abbois; abandonnée de tout le monde : Ce qui mesme obligea Monsieur de la Nouë, illustre en pieté, prudence, & valeur, de tascher à la faire rendre; afin de la tirer d'une plus grande desolation. Neantmoins elle se vid delivrée par des Ambassadeurs Polonois qui vienent demander pour Roy celuy qui la tenoit oppressée. Au second siege, elle se trouva dans un parti considerable, tres-bien fortifiée, & munie puissamment du dedans & du dehors du Royaume, & en un temps; où elle devoit esperer des diversions meilleures

en sa faveur; & pourtant nous l'avons veuë perir. Ce qui nous doit apprendre à ne juger legerement des entreprinses des hommes, par leurs bons, ou mauvais succés; encore moins les blasmer, sans en rendre bonne raison:autrement on se feroit cognoistre plus envieux de la gloire d'autruy, que desireux du bien public. J'eusse neantmoins souffert telles censures, si elles n'eussent touché qu'à mon imprudence, & incapacité: & eusse fait seulement reproche à mes Censeurs, de ce qu'ils n'avoient prins ma place pour faire mieux: mais je ne puis passer sous silence l'accusation quils me font, d'avoir precipité, par mon ambition, la ruine des Eglises de France; &, pour comble de toute meschanceté les avoir livrées, pour satisfaire à mon avarice. C'est à quoy je me dispose de respondre; afin que chacun juge, qui a eu plus de soin d'elles; ou ceux qui ont sauvé leurs biens, & acquis de belles charges, en les abandonnant, ou leur faisant la guerre; ou bien ceux, qui, pour les maintenir, ont veu constamment la dissipation de leurs biens, la demolition de leurs maison, la 100 Discours du Duc de Rohan

perte de leurs Gouvernements, l'indignation de leur Roy, la dispersion de leurs plus proches parents, & l'exil de

leur patrie.

Pour bien comprendre cette affaire, faut sçavoir, que la source de nos maux fut l'Assemblée generale de la Rochelle, convoquée par le Sieur de Favas, Deputé general. Son pretexte estoit pour remedier aux affaires do Bearn, qui estoient sans remede: & le vray subject, le refus du Gouvernement de Leitoure: pensant se rendre considerable par là, & se faire rechercher pour y profiter. Mais comme il est plus facile de pousser un homme dans un precipice, que de l'en retirer, ausly luy fut-il plus aisé de former l'Assemblée, que de la dissiper. J'en auguray le mal: je taschay d'empescher qu'elle ne se formast; & sormée, je m'efforçay de la faire separer. J'en fu accusé; comme gaigné de la Cour: Et chacun sçait assés qui la fit subsister. Si en ce temps-là mon ambition m'eust poussé, à me voir un des principaux Chefs du parti, pour lors considerable, & en un temps, où je n'avois esprouvé les angoisses qui s'y rencontrent.

trent, je n'eusse perdu une si belle occasson de monstrer ma vigueur, avec ces zelés, ausquels elle ne dura gueres, nous ayans abandonnez aufly-tost qu'ils curent leur conte.

Voilà comme je suis innocent du tout de la faute la plus signalée, qui se soit faicte dans nos affaires. Cette subsistance d'Assemblée attira le Roy fur nos bras: chacun se rend, & luy livre les places de seurcié. Et depuis Saumur, jusques à Montauban, tout fait joug, sans resistance, horsmis Sainct Jehan d'Angeli, que mon frere deffendit, tant quil peut. Cen'est icy le lieu de descrire les divers evenemens que cette guerre eut. Mais en fin la paix se fait devant Montpelier; en laquelle ne se trouverent comprins des Chefs des Provinces, que mon frere & moy, tous les autres ayans fait leur paix particuliere, avec recompense. Je ne laissay neantmoins d'estre accusé par eux, comme à present, d'avoir trahi le parti. Mais le temps & les persecutions que j'ay receues durant la paix effacerent ces bruits.

Venons à la seconde guerre. Le Suject e 3

102 Discours du Duc de Rohan

Suject d'icelle fut l'infraction de la paix, en tous ses poincts, sur tous en la retention de Montpelier, du Fort Louys, & des debtes des particuliers, qui mettoient chacun au desespoir. Mes affaires domestiques ne m'obligeoient . qu'à la continuation de la paix: car mes persecutions cessées, avec la faveur de Monsieur le Chancellier de Sillery, & de Monsieur de Puisieux: & javois mes assignations pour la recompense de mes Gouvernements. Mais ce qui se trouve encore de plus pressant, ce fut les preparatifs qui se faisoient publiquement à Blavet, pour le blocus de la Rochelle; qui recourut à moy; & mon frere me vint trouver qui me communiqua le dessein qu'il avoit, pour destourner l'orage qui la menaçoit. Je l'approuve; il entreprend de l'executer aux despens de son bien, & au hazard de sa vie, avec cette condition que s'il reuffissoit je l'assistasse, & s'il failloit, je le desadvoüasse. Je ne sçay gueres de nos Censeurs, qui eussent voulu risquer de la sorte. La perfidie de quelques-uns de la Religion le rendit tres-perilleux, & fut cause qu'il ne se fit qu'à demy. Neantmoins s'estantsaisi de

de tous les vaisseaux, il se rendit Maistre de la mer & des isses de Ré & d'Oleron: & battit tout ce qui se prefenta devant hiy: jusqu'à ce que les na-vires Anglois & Hollandois renforcerent ceux de France: ce qui nous fit rechercher la paix, laquelle nous obtinsmes, sinon telle qu'elle nous estoit necessaire, au moins meilleure que la precedente: pource que toutes les Fortifications faices, subsisterent; & que par consentement du Roy, le Roy d'Angleterre en demeura caution. Auquel on promit la demolition du

Fort Louys en peu de temps.

Voyons maintenant la troissessme
guerre, & qui l'a suscitée. Les desertions & infidelités que j'avois rencontrées, és deux precedentes, m'ostoient asses l'énvie de recommencer le jeu : &nul ne peut assés juger de la pesanteur de ce fardeau, qui ne l'a esprouvé. Ce n'est pasque je ne visse la perte de la Rochelle s'ensuivre de la continuation de la paix, sans quelque extraordinaire assistance. Neantmoins jugeant le mal irremediable au dedans de nous, je me contentois de prier Dieu pour sa delivrance; croyant avoir asses de satisfa-

Stion

## 194 Discours du Duc de Rohan

Ation en ma conscience, d'avoir aucunement melioré la condition des Eglises en la precedente paix, & avoir rejetté les evenements de l'execution d'icelle, sur les espaules d'un puissant Roy, & qu'on craindroit de mescontenter, & qui seul pouvoit tenter la delivrance de la Rochelle.

Estant en cette resolution, voicy venir vers moy un Gentil-homme du Roy de la Grande Bretagne, pour me remonstrer qu'estant garant de nostre paix, il compatissoità nos souffrances, & y vouloit chercher les remedes convenables: & qu'il jugeoit bien, par les preparatifs faits contre la Rochelle, qu'on la vouloit perdre; nonobstant la parole qu'on luy avoit donnée du contraire. Ce qui le faisoit resoudre de l'assister jusques au bout; & qu'il s'y preparoit. Cependant qu'il insistepour nous faire executer les choses promises; & qu'encore qu'il n'en esperast rien, il croioit estre obligé de tenter les voyes douces, avant que d'en venir aux extremes. A quoy, s'il y estoit contrainet, il employeroit tous ses Royaumes, & sa propre personne; en

une sijuste guerre, où il se sentoit obligé, par conscience & honneur: pourveu que, de nostre part, nous voulussions prendre les armes avec luy; & promettre, comme il feroit, de n'entendre à aucun Traicté, que conjointement avec luy. Qu'il entrettendroit ses armées de terre & de mer à ses despens, jusques à la fin de la guerre. Qu'il n'avoit autre but que l'execution de la paix, dont il se trouvoit garant: me sommant de n'abandonner mon parti, en une occasion si juste, necessaire, & apparente pour sa restauration. Protestant que si nous ne voulions entendre à cét offre, qu'il se sentoit deschargé de sa parole envers Dieu, & les hommes. Et pour la fin, il m'exhorta de luy envoyer au plustost un Gentil homme, pour l'informer de la resolution de nos Provinces & de la mienne.

Je demande maintenant à mes Censeurs, ce que j'avois à faire là dessus; si j'eusse refusé les offres; & qu'apres la perre de la Rochelle, le Roy de la Grande Bretagne eust publié, qu'il n'avoit tenu qu'à moy seul, qu'il ne l'eust sauvée, en quel predicament m'euston tenu? n'eusse-je pas esté en execra-

## 106 Discours du Duc de Rohan

tion à tous ceux de ma Religion? Quel sujet leur eusse-je donné de me blasmer? Je somme icy chacun en particulier de se mettre en ma place, & de juger, si je pouvois en conscience m'en desdire. D'autre part je considerois, quel fardeau je prenois sur mes espaules pour la troisiesme fois. Je me r'amentevois l'inconstance de nos peuples, l'infidelité des Principaux d'iceux, les partis formés, que le Roy avoit dans toutes nos Communautez, l'indigence de la Campagne, l'avarice des Villes, & sur

tout l'irreligion de tous.

Toutes ces choses estoient capables de troubler un plus fort esprit que le mien. Neantmoins esperant que Dieu, qui jusqu'à present m'avoit fortifié, ne m'abandonneroit point: je fermay les yeux à toute autre consideration, qu'à celle du bien de son Eglise : & fy response au Roy de la Grande Bretagne, que je louois sa pieté, & genereuse resolution; & luy promettois, qu'apres la descente faite de son armée dans l'isle. de Ré, je prendrois les armes, & non plustost: pource qu'il falloit cét eguillon pour esmouvoir nos peuples; & que, selon son desir, je luy envoierois dans.

dans peu de jours un Gentil homme?
pour luy rendre tres-humbles graces de l'assissance qu'il nous offroit; & pout l'informer de ce qu'il vouloit sçavoir. Le seu Sient de Sainct Blancard sut celuy qui l'alla trouver de ma part. En suitte dequoy, le Millord Montagu, avec lettre de creance, m'apporta con-

firmation de ce que dessus.

L'armée Angloise sit sa descente; & peu de temps apres, je prin les armes. Je ne suis pas cause que cette armée ne prinst la Citadelle de Ré: ny que la seconde n'avitaillast la Rochelle: ny que la troissesseme ne la sauvast: car de ma part j'eus tousjours deux ou trois armées sur les bras, qui estoit la diversion, qu'on attendoit de moy: ausquelles je nr'opposay, sans me lasser, ny rebutter des traverses qu'on me donnoit. Et Dieu me sortissa tellement, que dans nos soiblesses, elle ne gaignerent acun advantage sur moy.

L'on me blassine encore, de ce que voyant la Rochelle perduë, & le Roy embarqué au secours de Cazal, je ne prenois cette occasion pour rechercher la paix. A quoy je respon qu'il y avoit une Asemblée generale sur pied, avec

# 108 Discours du Duc de Rohan

laquelle je gouvernois les affaires : tellement que s'il y avoit eu de la faute, il ne s'en faut prendre à moy seul. Mais nous eusmes cette maxime de ne souffrir aucun Traiclé qu'avec de bons pouvoirs. Car l'experience des precedents nous avoit apprins, que cette curiolité avoit autrefois ruiné nos affaires; pource que pendant telles esperances de paix, nos ennemis ne perdoient aucun temps à se preparer à la guerre; & nos peuples se r'allentissoient tout à fait. Si bien que ce n'estoient que des amusemens, pour nous endormir. Aussi. telles propositions ne venoient que de nos ennemis: Ausquels on respondoit tousjours que nous estios prests à la rechercher avec le respect, & honeur deu à nostre Roy Que nous ne demandions qu'une permission, d'envoyer vers le Roy de la Grande Bretagne, sans lequel nous ne pourrions rien faire. Et pour moy, j'advouë que j'eusse plustost souffert toutes sortes d'extremitez, que de manquer à tant de serments religieux, que nous luy avions faicts, de n'entendre à aucun Traicté sans luy. J'adjouse que les esperances que nous avions de divers Princes estrangers, d'une grande

109

grande & prompte assistance; & les asseurances reiterées du Roy de la Grande Bretagne, qu'il ne seroit jamais la paix sans nous y comprendre, & les grandes affaires que le Roy avoit sur les bras, estoient, ce me semble, des sujects asses puissans, pour ne precipiter

un Traicté mal à propos.

Il ne reste plus à parler que de ce qui s'est passé en la paix; où il faut voir l'estat, auquel le Roy estoit; celuy où nous nous trouvions, & comme les choses se sont passées; asin de juger si on pouvoit faire beaucoup mieux. Nostre impieté essoigna nostre delivrance. Dieu nous la monstra seulement, comme il sit la terre de Canaan aux enfans d'Israël, qui moururent dans le desert. Mais si nous ne nous amendons, il·la reservera, comme à eux, à nos neveux.

Il permit que le Roy allast, vist, & vainquist. Car forcer les pas des montagnes, prendre la Ville de Suze, r'avittailer Cazal, & faire la paix avec le Roy d'Espagne, & le Duc de Savoye, furent une mesme chose. Cette expedition faicle & la paix d'Angleterre concluë, sans nous y comprendre, il

## 110 Discours du Duc de Rohans

tourne toutes ses forces vers nous. Le degast se fait en mesme temps, à Montauban par Monsseur le Prince & Monsseur d'Espernon, à Castres par Monsseur le Duc de Ventadour, à Millau par Monsseur de Nouailles, & à Nismes par Monsseur le Mareschal d'Estrée. Et le Roy en personne vint avec son armée victorieuse, à laquelle il sit joindre celle de Monsseur de Montmorency, par le Vivarets & les Sevenes.

Voilà six armées en mesme temps fondent sur nos bras, qui font plus de so mil hommes, avec l'equippage de 50 canons, & dequoy tirer 50 mil coups; & les bleds necessaires pour nourrir l'armée du bas Languedoc, Ce fut alors que les partisans, que le Roy avoit dans nos Villes, prindrent cœur; offrans des paix particulieres, pour destruire la generale. Chaeune de ces grosses Communautez attaquée par le degast, requeroit ma presence avec une armée: ou menaçoit d'une paix particuliere. J'excepte de cette menace Nismes, & Montauban. La persidie du Sieur de Chevrilles fait perir le Sieur de Saince André de Montorun avec

800 hommes du Languedoc, & la Ville de Privas. Le Sieur de Beauvoir, apres avoir fait sa paix, fut le maguignon de Sainct Ambroise, d'où les gens de guerre, que j'y avois mis, sortirent tous Orateurs, pour persuader les autres, à estre aussi meschans & lasches qu'eux. Je ne trouvay aucun homme de Languedoc, & des Sevenes, qui voulust commander dans Alez, pour y soustenir le siege; ny mesine dans Anduze, si je ne m'y enfermois. Les Assemblées de diverses Communautez se formerent à ma veuë, & malgré moy, pour demander la paix en particulier. Je sus contraines, pour les dissiper d'en faire une Provinciale; & de leur promettre, que si par icelle je ne l'obtenois generale, elles pourroient faire la leur particuliere. Tous les Principaux du parti, peu exceptez, cherchoient noise, ou entr'eux, ou avec moy: plusieurs d'eux traittent en particulier: car on ne pensoit pas à sauver du naufrage, que ce qui estoit sien. Bref nul ne songeoit au general. J'eusse bien voulu, en ce temps-là, voir ces Conseillers d'Estat, qui hors du péril, estans bien à leur aise, censurent tout

#### 112 Discours du Duc de Rohan

le monde: je croy qu'en une telle extremité, ils n'eussent esté sans peine, non

plus que moy.

Ce n'est pas tout, je voyois bien la paix generale du tout necessaire: mais je trouvois de grandes difficultez à l'obtenir. Le Conseil du Roy, qui sçavoit toutes nos foiblesses & laschetez, avoit envie de passer outre, & y estoit poussé par nos faux freres, qui tous les jours luy faisoient de nouvelles ouvertures, pour nous perdre: & sijen'eusse empesché l'execution de la Ville de Sauve, nous n'avions point de paix generale. De l'autre part encore que nulle Communauté ne se mist en estat de se deffendre, estant impossible de les faire travailler à leurs Fortifications, ny trouver un denier, pour lever unhomme de guerre; ny d'en faire ven'ir, pour s'enfermer dans les Villes, où l'on apprehendoit le siege: neantmoins à l'instigation de quelques petits seditieux, payés pour nous troubler, &. & brouiller, ils murmuroient quand on parloit de demolir une pierre de leurs Fortifications.

Pour surmonter ces difficultés, je fis sçavoir à la Cour, que je mourrois

gayement avec la pluspart de tout le parti, plustost que de n'obtenir une paix generale. Qu'il estoit dangeceux d'oster tout espoir de salut à des personnes, qui ont les armes à la main; Que je ne la traicterois jamais tout seul: mais que si on me donnoit quatre jours, sans rien entreprendre, & seureté pour faire venir l'Assemblée generale de Nismes à Anduze; je me promettois qu'on la feroit. Ce qui enfin, avec quelque difficulté, fut accordé. L'Assemblée generale estant arrivée ne voulut seule se charger du Traicté de paix, sur tout en un temps, où elle ne la pouvoit obtenir à souhait; & où les reproches estoient plus à craindre, que les remerciemens à esperer. Elle desire avoir le sentiment de la Provinciale des Sevenes, qui estoit la plus pressée : la Provinciale celuy de la Ville d'Anduze, comme la plus menacée du siege, & la plus interessée en ses Fortifications. Tous concluënt que la paix generale estoit necessaire, & qu'il falloit seulement tascher à mesnager l'Article des Fortifications. Ladite Alsemblée generale ne se contente encore de cela, elle aggregea à elle douze

## 114 Discours du Duc de Rohan

Mouze Deputez, six de Nismes, & six d'Usez, venu extraordinairement pour travailler à la conservation des Fortisseations; & autant de l'Assemblée des Sevenes: si bien que ladicte Assemblée se trouva composée de 45 ou 50 personnes, qui tous ensemble deputerent en Cour.

On les entend, on traicte avec eux, on convient de beaucoup d'Articles. Mais sur celuy des Fortifications, on ne veut ouir parler d'aucune modification: tellement que nos Deputez retournent sans vien faire; & en sont leur rapport à ladite Assemblée, qui sur cette difficulté, consulte le sentiment des Sevenes. La Ville d'Anduze conclud la premiere à la paix, aux despens desdictes Fortifications; la Provinciale fait le semblable; & en suitte la generale. Elle r'envoye ses Deputez, pour la conclurre, aufquels elle donne charge de me procurer quelques desdommagements pour mes pertes receues. Ainsi la paix generale sut faicte, ayant eu à mon particulier promesse de 100 mil escus, sur lesquels j'ay baillé des assignations à ceux qui ont servi le parti: ou payé des gens de guerre, pour plus

plus de 80 mil escus: si bien qu'il ne me reste pas 20 mil escus, pour r'establir mes maisons ruinées.

Je laisse maintenant à juger à gens equitables; si je suis cause de la premiere guerre; si la seconde a esté dommageable à ceux de nostre Religion; si j'ay procuré la troissesme; si estant sollicité du Roy de la Grande Bretagne d'y entrer, je le devois refuser; si m'estant obligé de n'entendre à aucun Traicté de paix, que conjointement avec luy, je me devois parjurer; & si apres la paix d'Angleterre faicte avec la France, me voyant attaqué de toutes parts, je devois souffrir l'extinction de nos Edicts plustost que de les conserver par une paix generale, aux despens des Fortifications que nous ne pouvions deffendre.

Voilà mes crimes, pour lesquels j'ay esté condamné à Tholose, d'estre tiré à quatre chevaux; ( dequoy je me glorifie, puis qu'ils ont bien condamné Henry le Grand, & harquebusé son effigie: ) & ce dont je suis blasmé par nos pacifiques. Je souhaitte à ceux qui viendront apres moy, qu'ils ayent autant d'affection, de fidelité & depa116 Lettre de Monsieur le Prince.

tience, que j'en ay eu; qu'ils rencontrent des peuples plus constans, moins avares, & plus zelés que je n'ay fait; & que Dieu les vueille accompagner de plus de prosperités: afin qu'en restaurant les Eglises de France, ils executent ce que j'ay osé entreprendre. Amen.

#### DISCOURS X.

Lettre de Monsieur le Prince à Monsieur le Duc de Roban.

MONSIEUR, Les precifes volontez du Roy d'entretenir
ceux de la Religion pretenduë Reformée, en entiere liberté de conscience,
m'ont fait, jusques icy conserver tous
ceux, qui sont demeurez dans l'obeïssance deuë à sa Majesté; tant dans
les places, Païs, que Villes Catholiques, en unc entiere liberté. La Justice
a eu son cours libre: le Preschese continuë par tout, horsmis en deux ou
trois lieux, où il servoit, non d'exercice de Religion, mais de moyen, pour
s'acheminer à la rebellion. Les Officiers, sortis des Villes rebelles, ont
continué leurs Charges: En un mot,

Lettre de Monsieur le Prince. 117

on a traicté les pretendus Reformez obeissans, egallement aux Catholiques fidelles au Roy. Aussy les plus advisez de vostre Religion, ont maudict vostre rebellion; & cognu que le Roy ne vous a fait & à eux du mal; que celuy que vous vous estes procuré vous mesmes; la malediction de Dieu, & la juste cholere du Roy sur vous. J'ay veu par la vostre que vous escriviés au Sieur Edmond, la resolution de l'Assemblée d'Anduze. A quel terme vous porte le desespoir de vos finesses descouvertes, & la folle resolution que vous prenez contre les Catholiques? Ceux qui ont esté prins à Gallargues sont pendus par vostre ordonnance: puisque vous preferés Aymargues à leur vie. Par toute regle de guerre, quand ce seroit entre deux Souverains, ils perissent justement. Mais en ce faict icy, qui est du valet au Maistre, & du suject, tel que vous estes, à son Roy & Souverain; ouir vos menaces tant contre les prisonniers, tous d'autre nature que les vostres; que contre les Catholiques restés dans les Villes rebelles; cela retombera sur vous, vous grachés contre le ciel. Vous & vos sui-

## 118 Lettre de Monsieur le Prince.

vans en receverés, tost ou tard, une punition exemplaire. Pour moy, je vous l'advouë, que je ne lairray de disposer des prisonniers, prins à Gallargues, comme j'entendray, avec raison: & oultre Savignac que je tien, & 30 autres avec luy, és prisons de Tholose; les prisonniers du Traquet & Monipelier. & tous autres prins & à prendre, souffriront le mesme traictement, que vous ferez fouffrir à ceux que vous tenez: & tous les Huguenots du Royaume, les Ministres & Officiers non exempts, le mesme que ferez recevoir aux Catholiques, qui sont en vostre puissance, dans les Villes que vous occupez: tenez-le tres asseuré. Et sur la fin des abbois de la Rochelle, à cette heure que les Anglois, cognoissans vos tromperies, vous ont abandonné; contentés-vous d'avoir adjouté à toutes ces rebellions passées, trois crimes notables. Le premier, d'avoir vous seul appelé l'estranger dans le Royaume, & de vous en estre vanté par escrit: le second, d'avoir creé des Officiers de Justice : le troissesme d'avoir fait battre monnoye aux marques Royales, & deues au Roy seul. Dieu

Response de M. le Duc de Rohan. 119
vous recompense selon vos biensaicts,
& vous donne un bon amendement.
Pour moy, je voudrois de bon cœur,
que le service du Roy me permist
d'estre

A Beziers le 4. Nov. 1628.

> Vostre affectionné serviteur HENRY de Boukbon.

woir noundles de MA

In Deadle on Mangarity

# DISCOURS XI.

Response de Monsieur le Duc de Rohan, à Monsieur le Prince.

# Monseigneur,

Comme vostre qualité de Prince du Sang, vous donne des Privileges de m'escrire ce qu'il vous plaist; aussi elle m'empesche de vous respondre, avec toute liberté, mon sentiment: me contentant de me justissier sur vos principales accusations. J'advouë d'avoir une seule sois prins les armes mal à propos; pource que ce n'estoit point pour

## 120 Response de M.le Duc de Rohan.

pour les affaires de nostre Religion, mais pour celles de vostre personne, qui nous promettoit de faire reparer les infractions de nos Edicts, &n'en filtes rien; ayant songé à la paix avant qu'avoir nouuelles de l'Assemblée generale. Depuis ce temps-là, chacun sçait que je n'ay eu les armes à la main que par une pure necessité, pour dessendre nos biens, nos vies, & la liberté de nos consciences. Si les Anglois sont venus à nostre assistance, ils y estoient plus obligez que les Allemans, que vous fistes entrer en France; parce que par le consentement du Roy, ils estoient entremetteurs de la paix, & s'en rendirent garants. Si on a battu monnoye parmi nous, ç'a esté au coing du Roy, comme il s'est pratiqué en toutes nos guerres civiles. Je me cognois as-sés, pour ne pretendre à estre Souve-rain: aussi n'ay-je jamais fait tirer mon horoscope, pour voir si je le deviendrois. J'advouë que je suis en execration parmy ceux, qui procurent la ruine de l'Eglise de Dieu, & m'en glorifie. Pour vos menaces, elles ne m'estonnent point; Je suis resolu à tous evenemens. Je cherche mon repos au ciel;

ciel; & Dieu me fera la grace de wouver tousjours celuy de ma conscience en la terre. Vous faites mourir les prisonniers de Gallargues; je vous imite, en faisant le semblable de ceux que j'ay prins à Monts; Je croy que ce jeu nuira plus aux vostres qu'aux nostres: pource qu'ils doivent plus craindre la mort, puis qu'ils sont incertains de leur salut. Vous me faites commencer un mestier contre mon naturel. Mais je penserois estre cruel à mes soldats, si je ne leur immolois des victimes. Quant aux massacres, dont vous menacés ceux de la Religion, qui sous la foy publique sont parmi vous, c'est un bel exemple, pour leur apprendre à se sier à leurs ennemis, & une justification de nostre legitime deffense. J'espere aussi que le Roy cognoistra un jour que je nel'ay pas desservi, & qu'il s'appaisera. Vous dictes que Dieu me maudira; J'advouë que je suis un grand pecheur, dont j'ay une serieuse repentance: mais outre que les Propheties sont accomplies, & que je n'adjouste nulle foy à celles de ce temps, je ne crain point que le feu du ciel m'abisme. En un mot, je ne croy pas que ce soit tout de

## 122 Response de M.le Duc de Rohan.

de bon, que vous faciez ces imprecations contre moy; mais seulement pour acquerir une creance sublime parmi les Papistes. Car en cette guerre, vous n'y avez mal fait vos affaires, à ce qu'on dit. C'est ce qui me donne quelque asseurance, que vous laisserez en repos nos pauvres Sevenes; veu qu'il y a plus de coups à recevoir, que de pistoles. Il ne me reste, pour la fin, qu'à prier Dieu qu'il ne vous traicte selon vos cenvres: mais que vous faisant encore retourner à la vraye Religion, il vous donne la constance d'y perseverer jusques au bout: afin qu'à l'exemple de Monsieur vostre Pere & Ayeul, vous deveniez le dessenseur de nostre Eglise: & ce sera lors que je me pourray dire de vostre personne, ce que je me dis maintenant de vostre qualité: Que je suis,

MONSEIGNEUR,

En Alez ce 6. Nov. 1628.

> Vostre serviteur HENRY de ROHAN.

#### DISCOURS XIL

Manifeste du Duc de Rohan sur les dernieres occurrences arrivées au Païs des Grisons & Valteline.

Es vraies causes du soussevement des Grisons seroient mieux teuës que publiées; & il me desplaist d'estre obligé à les descouvrir. Mais les calomnies qu'on souffre estre imprimées contre moy sans chastiment, & le soin qu'on prend à me vouloir descrier dedans & dehors le Royaume, me contraignent, pour la deffense de mon honneur ( qui m'est plus cher que la vie ) de dire la verité, autant neantmoins que la bienscance le peut permettre. Car il y a des choses que je ne me puis resoudre de toucher, qu'à demi; bien que j'aye juste suject de les representer telles qu'elles sont. Par le Traicté de l'Hierasco, le Royobtint la demolition des Forts, que les Imperiaux avoient construicts dans le Païs des Grisons, ausquels il fut proposé de les r'establir dans la Valteline, comme ils estoient devant la rebellion. J'estois lors à Venise, où je ne songeois qu'à vivre en repos, je su com-

### 124 Manifeste du Duc de Rohan

commandé par sa Majesté d'aller aux Grisons, pour executer ce dessein : j'obey aussi-tost, & me transportay au Pais: où je trouvay qu'on avoit fait une levée de 3000 hommes, par ordre du Roy: qu'on avoit commencé les Fortifications du siege du Pont de Rhin: je les fi continuer avec soin, & autant de diligence, que permettoit l'argent qu'on y emploioit. Apres avoir ainsi passé une année, j'eu commandement de reduire les troupes à 1000 hommes & de retourner à Venise. A quoy je satisfi, au grand mescontentement des Grisons; pour se voir frustrez de l'esperance de leur r'establissement dans la Valteline, & en arrerage de grosses sommes, pour la solde de 4 mois. Apres je fu de nouveau commandé de retourner aux Grisons, pour empescher que le Duc de Feria ne s'en faisist, lors qu'il faisoit passer son armée en Allemagne. Apres le passagede ladite armée par la Valteline, j'eu six fois commandement d'y entrer; & six fois commandement de superseder:enfin l'ordre me vint d'aller à Paris. On me commanda de passer en Alsace, & de là aux Grisons, pour executer le dessein de la Valteline au mois d'Ayril

touchant les Grisons & Valteline. 125

de l'année 1635. Je fi mon passage par la Suisse heurensement; en suitte duquel je me saisis de la Valteline, & la conservay par quatre combats generaux, aufquels furent deffaictes les armées de l'Empereur, & du Roy d'Espagne, qui se presenterent pour m'en chasser. Je si les efforts necessaires, pour m'asseurer de toute la Valteline, & des Comtés de Bornio & Chiavennes. Tous ces exploits furent approuvez de sa Majesté. Lors je su vivement pressé par les Grifons, de les r'establir dans la Valreline suivant les promesses Royales, qui leur en avoient esté faictes de bouche; & & par escrit plusieurs fois: mais n'ayant point ordre de ce faire, & ne pouvant plus trouver d'excuses pour prolonger davantage, je donnay advis de tout en Cour, & proposay un accommodement, duquel, quoy que difficile, je me promettois de venir à bout : j'eu commandement de le tenter. J'y travaillay de sorte, que finalement je fi resoudre un Traicté, avec la ratification des Grisons, & le consentement des Valtelins, par lequel j'avois obtenu, ce qu'on avoit desiré: & mesme plus qu'on n'avoit esperé. Neantmoins au lieu de la ratifi-

3 cation

126 Manifeste du Duc de Rohan cation du Roy, on m'envoya une modification qui cabra tout le monde.

Durant que les Grisons attendoient l'effect dudit Traicté, divers acceidens arriverent dans le Pais: à sçavoir manquement d'argent, pour le payement des troupes Grisonnes; la peste qui destruisoit l'armée Françoise: & l'extreme maladie, qui me survint. Tout cela donna courage à tous ceux qui estoient desireux de choses nouvelles, & dettacha de nous ceux qui estoient affe-Aionnez à la France, entre les Colonels & Capitaines Grisons: lesquels premierement me presenterent leur requeste: puis deputerent vers moy pour me faire leurs protestations; & en suitte se resolurent d'abandonner le service, & leurs postes, s'ils ne recevoient quelque payement.

Cependant les partisans Imperiaux ne perdoient temps à renouveler leurs practiques, que les heureux succés des armes du Roy, dans la Valteline, avoient comme assoupies; l'affaire en vint si avant, qu'il y avoit apparence, que dés lors on estoit pour voir le soussevement, qui depuis est arrivé. J'estois encor au liet, ayant à peine recouvert la

DOUBLE

parole,

touchant les Grisons & Valteline. 127

'parole, & par consequent hors d'estat d'y pouvoir apporter aucun remede. Tout ce que je peu faire, fut de prier Monsieur Lasnier Ambassadeur, de se transporter à Coire: ce qu'il fit. Mais il trouva le parti si bien formé, qu'il luy fut impossible d'empescher l'intelligence des Colonels & Capitaines avec les Chefs des Ligués, qui leur promirent d'abandonner leurs postes; & demeurer armés dans le milieu du Pais. Estant adverti de ce desordre, je me fi porter en chaire à Coire: où je si convoquer une Assemblée generale, pour r'amener ces peuples. Lors je su d'advis de ne rien dire de la modification du Traicté, qui m'avoit esté envoyé de la Cour: Mais ledict Sieur Lasnier ne jugea pas y pouvoir consentir: tellement que la proposition de ladicte modification fut envoyée aux Communes, qui les aigrit de telle sorte, qu'une Assemblée fut tenuë à Illaus, où fut resoluë secretement la Deputation à Impruets, pour traicter avec les Imperiaux & Espagnols.

Nonobstant cela je fi un accord avec les Colonels & Capitaines Grisons, touchant le payement, moyennant lequel ils entrerent en service, apres avoir

4 touché

touché la premiere somme, dont j'avois convenu avec eux. Durant toutes ces brouilleries quoy que je remonstrasse, je ne peu obtenir le second payement, pour les Colonels & Capitaines, nulle paye pour les Suisses, nul argent pour avoir du pain aux François. Si bien que je me trouvay tout d'un coup avoir sur les bras mescontentement de ces trois Nations. Cependant les Deputez concluent leur Traicté à Impruchts, obtienent des Espagnols le payement de leurs troupes, depuis le premier de Novembre 1636, r'establissement de leur Jurisdiction dans la Valteline, exercée par les Grisons sans distinction de Religion. Et autres Articles beaucoup plus advantageux, que ceux que nous leur avions accordés. Ayant descouvert cette menée, j'en donne advis à la Cour, par une mienne despesche du 27 de Decembre de la susdicte année: dont les paroles formeles sont, qu'il faut que le Roy se resolve, ou à prendre un parti honorable, pour abandonner les Grisons, & retirer ses troupes; ou à donner ordre de les satisfaire sans delay: n'y ayant plus moyen de retarder l'esclat de leur mescontentement par promesses & negotia-

Touchant les Grisons & Valteline. 129 gotiations. A la fin de la lettre je conjure Monsieur de Bouteiller de la representer où il appartiendroit. Tout cela ne produisit aucun effect. Cependant les Deputez retournent d'Impruchts. J'ecrits avec plus d'instance que jamais; esperant tousjours, si on m'eust envoyé l'argent necessaire, de faire deux choses bien certainement : l'une de r'amener une partie de ceux qui s'estoient separés de nous; sçachant bien que le seul desespoir, & ruine de leurs affaires domestiques, les avoit embarquez au parti contraire. L'autre dont je susse venu à bout, ayant de l'argent; c'est que j'eusse retardé le sous evement. Car en telles matieres, qui a temps a vie, & le delay est grand ennemy de toute sorte de complot. Ce sut la seule raison qui m'empescha de partir pour aller en la Valteline. Car la resolution estant prise de m'arrester, le mesme jour que je me mettroi en devoir de sortir de Coire; C'eust esté une grande imprudence de faire esclorre une affaire, à laquelle le temps seul pouvoit remedier. Mais ces considerations n'operoient rien : car tant s'en faut qu'on pourveust à ce que je demandois, que pour comble de

tout mal on me r'envoya mon courrier à vuide. Surquoy me voyant au desespoir, je n'eu autre consolation à monextreme perplexité, que de protester devant Dieu & les hommes, contre ceux qui estoient cause de la ruine des affaires de ce Pais-là. Ce que je si par une despesche, addressée à Monsieur de Noiers du 28 de Mars de l'année presente. Là dessus me voyant abandonnée de toute assistance, mesme ne recevant response de mes lettres; il ne me reste autre chose, que d'attendre avec impatience l'esclat de l'orage, que je prevoiois depuis long temps.

Enfin donc survint le soussevement, duquel j'estois aussi asseuré, quatre mois devant, que le propre jour qu'il arriva. Je confesse mesme, que pour n'estre point present à un tel spectacle, j'avois demandé mon congé pour aller donner ordre à mes affaires à Venise. Mais en me l'accordant on me sit entendre, que c'estoit à condition que je susse responsable de tout ce qui arriveroit dedans les Grisons, en mon absence; sans que toutes ois on me respondist un seul mot, touchant les moyens que j'avois demandés, pour remedier au mal que

311532

je prevoiois. Tout le Païs donc ayant un jour pris les armes contre moy, tout ce que je peu faire, fut de me rendre au Fort du Rhin, & d'y r'amasser le Regiment de Suisses du Colonel Schmit qui pouvoit estre de 800 hommes, avec les 200 François qui y estoient desja, ayant esté contrainct d'abandonner la garde du Pont deRhin & du Steich, pource que je n'avois pas assez de troupes pour les conserver.

Me voilà donc assiegé par six Regimens Grisons, qu'ils avoient renduscomplets, avec l'argent d'Espagne, de toutes les Communes de la Ligue Grise, des prochaines Communes de Coire, de celle du Tans, de la Vallée de Pertaus, & des troupes de Galas, qui s'estoient approchées sur la frontiere des Grisons. Je n'entendois aucune nouvelle de l'armée de la Valteline, ny ne luy en pouvois faire sçavoir des miennes. Je me trouvois en un Fort où il n'y avoit qu'un moulin, qui à peine pouvoit faire de la farine pour 200 hommes, & si mal pourveu de toutes choses, que c'est honte de le dire. Car il ne sur jamais possible, quelqu'instance qu'on en fit, d'avoir un fond

ond destiné pour la subsistence dudica Fort.

Outre toutes ces necessités, comme toute communication m'estoit ostée avec la Valteline; aussy n'en pouvois-je avoir long temps en Suisse: car les Grisons tenoient le Pont du Rhin, qui n'estoit plus gueable que 13 jours. Ce qui me donna tout à propos, le moyen de mander à Monsieur de Mehoud, Ambassadeur en Suisse l'estat où je me trouvois, pour en advertir, d'un costé, le Roy, & de l'autre, Monsieur de la Thuillerie, Ambassadeur à Venise. J'escrivis aussy à Zurich, pour essayer d'avoir promptement 1000 ou 1200 hommes Suisses avec lesquels j'eusse tasché de faire un effort, pour me maintenir en campagne. Mais Zurich jugeant le parti trop hazardeux, pour l'entreprendre seul, & une Assemblée generale estant preste de se tenir à Baden, ilse contenta d'advertir ses voisins de l'accident survenu. Cependant ce Canton-là avec celuy de Claris fit une Deputation pour moyenner quelque accommodement entre les Grisons & moy. On tint Conference sur cesubject. Les Grisons demandent la Valteline, qu'on leur avoit

## Touchant les Grisons & Valteline. 133

avoit tant de fois promise, & un million de livres deues aux Colonels & Capitaines pour leur solde. Outre cela declarent, que n'ayans appelé à leur secours les troupes du Roy, que pour se garantir de leurs voisins, qu'à present ils n'avoient plus besoin de ce secours, puis qu'ils estoient d'accord avec leurs voisins. Et qu'en un mot, & sans autre delay, ils desiroient entrer en possession de ce qui leur appartenoit; Que puis que le Roy avoit des considerations qui l'empeschoient de les r'establir, en la maniere qu'ils demandoient, qu'ils avoient trouvé moyen d'y remedier par autre voye: de laquelle ils estoient contens & satisfaicts: Et que toutes ces considerations cessantes, il y en a une qui sussiti pour toutes; assavoir qu'ils ne desirent pas que les armées du Roy demeurent davantage dans leur Pais: & que c'estoit une chose inouïe de vouloir secourir par force ceux qui disent n'avoir pas besoin de secours. Que les Souverains donnent des Loix chez eux, & ne les reçoivent de personne. Que comme ils sesentiroient à jamais tres-obligez à sa Majesté, de l'assistence qu'elle leur avoit donnée; aussy leur

134 Manifeste du Duc de Rohan

leur sembloit-il chose bien dure, qu'elle voulust tenir ses armées dans leur Païs contre leur volonté. Je leur repliquay qu'ils obtiendroient aisément toutes choses raisonnables du Roy; pourveu qu'ils le luy demandassent comme il appartenoit: & que me donnans le temps d'envoyer en Cour, je me promettois qu'ils receveroient tout contentement.

Les Deputez de Zurich & de Claris n'oublierent rien pour les induire à su-perseder, au moins jusqu'à l'Assemblée de Baden: mais soit qu'ils eraignissent le debandement de leurs Communes; ou qu'ils sussent proches des Imperiaux & Espagnols, qui ne demandoient qu'à entrer dans le Pais, ils ne voulurent entendre à aucun parti, qu'ils ne sussent du Rhin. A quoy mesme les Deputez Suisses, craignans de voir allumer le seu à leurs portes, m'exhorterent de ceder.

Voilà l'estat où je me trouvois. Mais le point principal consistoit en ce que les Suisses estoient Maistres du Fort, qui se faisoient entendre, quils n'avoient jamais compris que les armées du Roy sussent entrées dans les Grisons, que

pour

Touchant les Grisons & Valteline. 135

pour les secourir, comme Alliez de la Couronne; Que sa Majesté estoit trop juste pour avoir autre pensée; Que si on leur faisoit paroistre que son intention fust de se porter à une chose si contraire au droiet des Gens, qu'est celle de vouloir demeurer dans le Pais de ses Alliez par force, que ce seroit alors à eux de penser à ce qu'ils auroient à faire. Que les Grisons se declarans n'avoir plus de besoin de secours de France, les troupes du Roy n'y pouvoient plus demeurer, sans attirer sur la Nation Françoise une tache eternelle d'usurpation injuste: Mais que pour eux, ils ne pouvoient faire moins que de retirer leurs troupes, pour n'estre plus accusez d'avoir trem. pé à une affaire de si mauvaise odeur.

Je n'avois point à deliberer là dessus car quand j'eusse voulu obstiner à me maintenir là 12 ou 15 jours, qui est tout ce que je pouvois faire, il falloit tousjours venir à traisser, pour se retirer. Je pris donc le parti qui s'ensuit; assavoir de laisser le Fort du Rhin entre les mains des Suisses, (& il saut remarquer qu'il y estoit desja en esse ) & pris un terme pour saire sortir les troupes Françoises de la Valteline, qui me donnast

temps.

## 136 Manifeste du Duc de Rohan

temps d'en advertir sa Majesté: puis que par autre voye, on ne l'avoit peu obtenir des Grisons. C'est ce qui se pouvoit faire en l'extremité où j'estois, tous autres partis estans ruineux: parce que outre que le Fort du Rhin n'estoit pas en ma puissance, les Suisses en estans les Maistres absolus, il estoit, comme j'ay desja dit, despourveu, & ne pouvoit estre secouru, que par la Suisse, ou par l'armée de la Valteline. Par la Suisse, c'estoit chose impossible: premierement pour l'aversion que les Cantons monstroient avoir d'un tel dessein; & puis, parce qu'il eust failu forcer les Grisons, qui tenoient le Pont du Rhin. Quant au secours de la Valteline, il est certain qu'il me pouvoit venir de là: Mais c'estoit choseà laquelle je ne pouvois donner ordre, & qui ne dependoit pas de moy, puis que la communication m'en estoit entierement oftée.

Pour cét effect donc, il eust fallu que l'armée de la Valteline se sust alors trouvée commandée par un homme capable d'entreprendre de luy-mesme telle chose, sans attendre les ordres de celuy, qui, comme chacun sçait, n'e-

Roit

Touchant les Grisons & Valteline, 137 stoit pas en estat de les luy envoyer. Car les Forts de la Valteline, & Comté de Chiavennes, se trouvans munis pour deux mois, il pouvoit venir à mon secours avec 8000 hommes de pied, & 700 chevaux, qui eussent esté capables de r'amener les Grisons, & d'empescher l'entrée aux Allemans dans le Païs. Et c'est la seule faute commise en cette affaire. Pour mon regard je ne m'amuse point à ce que le vulgaire en peut dire. Je croy avoir la satisfaction en moy mesme, puis que j'ay executé punctuellement ce qui m'a esté commandé: n'ayant point retiré les troupes du Pais, ny rendu la Valteline aux Grisons, que je n'aye eu en main le pouvoir de ce faire, signé de sa Majesté. Bien est vray que j'avois esté contraint de traicter avant l'avoir: mais ç'avoit esté en telle sorte, que le terme que j'avois pris, pour l'execution, me donnoit le temps necessaire, pour sçavoir la volonté du Roy.

Si depuis on s'est advisé de tenter d'autres expediens pour r'accommoder l'affaire, ils sont venus si tard, que Messieurs d'Estampes & de Guebriant estans sur les lieux, en ont trouvé eux-

melmes

mes l'execution impossible. Ce que je pourrois faire voir plus clairement, si mon devoir ne m'obligeoit de taire des choses de cette nature, que la bienseance ne permet jamais de reveler.

#### DISCOURS XIII.

Lettre à Monsieur le Prince de Condé.

## MONSIEUR,

Je n'eusse jamais pris la liberté de respondre aux mauvais sentimens que vous avés voulu temoigner de moy en l'Assemblée de Guyenne au mois de Novembre dernier si j'eusse pû croire que vous ne pensiez qu'à vous descharger de la honte que les armes du Roy, & le nom François ont receu fous vos commandemens devant Fontarabie, & eufse librement preferé à ma justification le respect que je dois à vostre qualité si vous n'y eussiez engagé celuy que je dois à mon sang, & tesinoigné que pour me deschirer vous ne faisiez point de difficulté de vous engager vous-mesme à changer vostre condition de Prince en

mau-

mauvais Orateur, comme si vous sçaviez mieux vous servir de la langue & de la plume que de l'espée. Le plus grand de mes crimes en vostre escrit, est de ne vous avoir pas voulu obeir, & vous le dites encore sans considerer que le mespris que j'eusse fait de vos commandements vous rendroit aujourd'huy plus coulpable que moy si cette grande occasion de la prise de Fontarabie se fust perduë pour cela, puis que vous aviez l'authorité en main pour y pourvoir & me faire payer sur le champ de ma desobeissance. Pardonnez-moy, Monsieur, si je vous dis que vous deguisez en desobeissance la faveur que vous voulustes saire à l'Archevesque de Bourdeaux à mon prejudice, & que ce furent les subtilitez que vous y r'apportates qui vous firent changer & rechanger des Conseils apres mes deux premieres attaques & perdre enfin le temps auquel vous imputez vostre disgrace comme toute l'armée l'aveu pour m'oster le fruit de mes travaux & le laurier de mes mains, mais quelle consequence peut encore faire cette question à la desroute qui arriva trois jours aprés & quel reproche m'en sçauriez-vous faire, puis ' STIME

## 140 Lettre à Mons.le Prince de Condé.

puis qu'aussi-tost que vous m'eustes tité de mon poste vous pouviez mieux faire par un autre que par moy, & qu'il ne falloit qu'une heure de vigueur comme vous dites pour vous rendre Maistre de la place, je crois qu'en cela vous vous condemnez vous-mesme, si vous ne voulez dire que je vous aye lié les mains & la langue pour vous empescher d'a-gir & commander, & qu'il vous sieroit bien mieux de chercher un pretexte plus specieux pour m'opprimer que de descouvrir vostre faute en m'accusant, c'est un autre fait si vous m'accusez encore de vostre desroute & que vous pensiez que ce soit assez me convainere de dire que je vis le desordre & que je ne branslay jamais, je puis dire en cela que s'il y avoit quelque reste de fortune & d'honneur à sauver apres le desbris ce fut moy qui le guarentis du naufrage, empeschant que tout le sang de l'armée ne fust respandu avec la honte, & que la perte ne sust encore plus grande que le deshonneur, vous ne me sistes point l'honneur de me faire part de vostre ordre, & n'eusse jamais pensé que pour empescher les ennemis de forcer vos retranchements vous vous fussiez allé mettre

Lettre à Mons.le Prince de Condé. 141 mettre en bataille à deux lieuës de là, ny que vous eussiez eu besoin du corps que je commandois puis que vous ne m'en aviez pasadverty, il est vray que j'appris la rumeur du Camp & le desordre par les premiers suyards qui se vindrent jetter dans mon poste, & fis en un moment tous mettre sous les armes en attendant quelque glorieux commandement de vostre part, je jugeay dans cette attente que vous aviez arresté le desordre & demeuray tousjours ferme dans l'impatience de vos nouvelles, quand les premieres & les plus certaines que l'on me vint dire furent celles de vostre embarquement, je vous confesse que je sus surpris d'estonnement & que ne pouvant comprendre comme vous le pouviez avoir esté, je cherchois en vostre esprit & en vostre courage des raisons que je ne pouvois trouver en vostre mal-heur, parceque je ne pouvois croire que vous eussiez esté surpris par faute de prevoyance & que si vous aviez esté contrainct de ceder à la puissance des ennemis, je disois qu'en vous rendant à la telle de mes trouppes dont j'avois estimé jusques là que vous fissiez un gros de reserve nous pour\_

142 Lettre à Mons, le Prince de Condé. pourrions r'asseurer le reste par vostre presence & tourner teste aux ennemis qui avoient eu si bon marché de leur victoire, & je l'eusse hazardé sans voes si je n'eusse experimenté que l'exemple du Chef refroidit ou anime tout le reste, & que vostre embarquement si precipité avoit ofté le cœur à tous nos soldats, j'arrestay neantmoins tout le reste du jour & la nuict suivante tout ce qui se trouva soubs mon ordre dans l'apparence que vous pourriez prendre une haute resolution en ce mal-heur, & que vous y trouveriez quelque resource que l'on ne pouvoit attendre que de vous: je ne me retiray point que quand je me vis absolument frustré de mon esperance, & me retiray encore sans que les ennemis m'osassent entreprendre, & c'est en cela seulement, Monsieur, que je puis con-fesser que vous avez sujet de vous plaindre de moy, puis que j'usurpay l'honneur qui vous estoit deu, je souffre par respect tout ce que la passion vous fait dire d'ailleurs, & suis marry pour vostre satisfaction entiere que vous soyez contrainct d'advoiler que j'ay esté bien soupçonné en quelque

## Lettre à Mons.le Prince de Condé. 143

que autre rencontre mais je n'ay pas tousjours si mal fait. Je ne voudrois qu'on sceut ce que j'ay contribué à vostre passage en Espagne, duquel vous eslevez tant le progrez, pour en faire tomber les ruines de plus haut sur moy, & desirerois que vous fussiez allé plus reservé en cette accusation, parce que la presse que vous apportez à me convaincre fait croireà tout le monde que c'est vous qui estes le coulpable, c'estoit assez de vous estre justifié dans une Assemblée publique, & d'avoir informé le Roy à vostre mode de mes deportemens, sans faire crier & courir à haute voix dans les ruës de Paris, le triomphe que vous emportez sur moy au lieu de Fontarabie, l'on eust trouvé la procedure beaucoup plus digne de vostre qualité si vous eussiez laissé les choses dans le simple interest de sa Majesté, à laquelle seule il importe de me chastier ou de m'absoudre si j'ay failly, & que vous ne vous fussiez point rendu solliciteur, Juge, partie & fabricateur de tesmoings contre un homme innocent & absent, qui n'a esté contraint de sortir du Royaume que

## 144 Lettre à Mons. le Prince de Condé.

que par les violances de vostre authorité: Mais que vous ont fait mon Pere & mes Freres pour les enveloper avec moy dans vos invectives, sinon que vous les voulez condemner de peur qu'ils me justifient, ou que vous ne pensiez pas estre bien justifié vous - mesme qu'en sappant nostre maison par les fondemens pour la renverser & semer de sel. Pardonnez-moy, Monsieur, si je dis que l'honneur que mon Pere a eu d'estre eslevé, chery & estimé des Roys, les services qu'il a rendus à l'Estat & son aage meritoient bien que l'eussiez espargné pour l'amour de vous, si vous ne luy en vouliez qu'à cause de moy, & que comme il a fait toute sa vie profession d'un homme genereux & droit, qui n'a jamais trahy ses amis ny sçeu flatter ses ennemis, il s'est tousjours conduit de sorte qu'il n'a jamais dire-Aement mesprisé ny offence les Parlements comme vous dites, ny ne s'est aussi jamais trouvé en termes si foibles & abandonné de raison qu'il eut besoin de flatter les Parlements pour maintenir sa qualité: mes Freres ne sont pas plus coulpables de mes fautes